

武甯縣志卷四十

藝文詩

近體

題俯江樓圖畫册

學政 周系英 湘潭人

鹿洞鵞湖自昔推江樓今見曲池開文章應得溪山助世澤  
頻將桃李培室有藏書同鄴架地多好景即蓬萊西園東壁  
家聲舊應繼當年著作才

看鶴橋新成

張問行

點綴仙踪聳碧霄誰言有鳥託巉峽水疑廣漢流明月城似  
瓊樓度玉簫豈必丁仙真化鶴儼教司馬徑題橋紛紛闔闔  
空塵雜眼底蓬萊付寂寥

遊石鏡山

邑貢 李趣堂

武甯縣志

卷四十

藝文近體

三百六十五

一山深處叩無因蕭散今朝笠屐新出寺鐘搖烟際樹隔溪  
犬吠鏡中人孤雲片石仙誰伴積雨空林客絕塵甚欲招提  
分半榻洞天閒養十年神

巾市

挂巾而後即名村到此風流六代存日鶴南飛餘稗史青牛  
東渡是仙源野連竹塢開棋局石占雲龕有漏痕十里溪山  
桑未海憑誰舊事說蟠根

過盛義士舊宅

西城十里舊名村義士當年此闔門野水近鄰書圃咽山雲  
濃作賊旗屯枕戈自領全家節奮劍猶留中柱痕古屋三間  
移地主後生渠解弔英魂

采蕨詞

邑貢 李受縉 二山人



乙巳歲大飢貧民倚蕨爲活深山僻谷採取殆遍霜  
出星入備極苦辛余周歷其狀感而賦此

自編棚戶寄山陬終日揮鋤爲食謀底事凶荒難作活樹隈  
雲塢費羅搜

荆扉早起看東方天淨雲空滿地霜短褐嚴風不道冷柴根  
何味也充腸

渣滓新淘澗水邊圍匡絡石湖風天林梢月落雞聲唱谷口  
猶聞杵臼喧

歲云暮矣尙留山婦子相招荷鋤還貰酒村帘歡度歲只偷  
元旦一天閑

過武陵岨

黎澍次元

巉巖斲削鬼神工絕巘盤紆鳥道通雲霧吐吞岨骨老蛇蟲

武甯縣志

卷四十

藝文近體

二

三百八十三

出沒樹心空愁人一壑松楸雨吹我孤征薜荔風故老猶能  
談往事相逢嶺畔說丁公

雲臺秋眺

烟光蕭瑟萬山中獨上雲臺極目空古石岨前飛木葉白雲  
堆裡聽秋風霜娥未老山頭碧鳥雀還驚樹底紅自愧琴書  
飄泊久藿溪鷗鷺也羞同

過荆陂潭

在四十六都

峭壁摩天石磴危秋風吹雨過荆陂浪花輕撼魚踪沒天影  
虛涵雁字岐古壑雲堆菩薩岨空山月冷梵王基我原汗漫  
忘機客水鷺沙鷗莫浪疑

石湖謠

王子音心言

石湖袤廣百畝開自明十九傳祖良士公其以石名

者仍破石之名也環湖居者三百餘戶資灌溉者千七百餘畝自良士公訖今三百餘年安熙熙世享太平庶幾樂土矣子音生長湖上追懷先澤寄諸風謠亦在湖言湖已爾

儂家家世住蟠溪水滿長湖柳滿堤烟火江南圖畫出幽風  
借作竹枝題

東風吹裂滿湖冰雪點楊花水面萍昨日清明今穀雨良苗  
夾鏡已青青

鹹魚麥飯倩栽禾四面平湖百藕歌別有前村秧馬急鷺鷥  
灘下峭帆過

麥笠搖風轉轆轤鹹茶淘飯打高呼不停晝夜分班代喜得  
秋來水滿湖

武甯縣志 卷四十

藝文近體

三 三百九十一

早谷初登治粟田不分旱澇趁秋前家家夜半炊晨飯我灌  
渠栽月在天

柳陰晝啖苦甜棗可口休聽婆餅焦記得那年湖水涸黃瓜

菜粥也攔腰俗謂午飯為攔腰一充

搖扇也樂樂何遙取日日楊堤夾岍招松樹河頭鴨足渡兩地

名夕陽牛背雜風謠

五穀豐登合室歡殺雞酌酒祭神壇今年還卜明年好願得  
盈湖水不乾

石市吟

王貢生 熊鎮瀾 歐爐

江干遙望碧烟園小市青帘桑柘稀數世商家成土著幾朝  
民屋老荆扉蔥蘢屢刈三秋稼旖旎常新九月衣任爾荒年  
無菜色潭頭洞裏采樵歸

支離此地竟桑榆環堵蕭然笑守株過眼風雲皆幻境留人  
卷軸是真娛鐘鼓隔岸烟迷棹酒散荒廬月在梧壇上一燈  
歌舞者南遼落拓有歐爐

宿松山寺

司訓彭焯甯都州人

愿盡重巒到上方松風吹送雨花香雲深歛客虛堂靜活水  
煎茶夜話長

寒泉宛折石嶙峋掩映曇光丈六身解得拈花含笑意蒲團  
作伴是前因

鐘聲敲斷晚烟寒雨滑添愁客路難底事瓊公煨芋火多情  
兩夕勸加餐

鳥語催行曙色遲出山重訂到山期前緣莫問三生石記取  
留題壁上詩

武甯縣志

卷四十

藝文近體

四

四百八

庚午秋豫甯書院留別

翰林饒向榮東鄉人

柳峯修水重流連幾度薰風到榻前漫有文章通意氣多勞  
翰簡結因緣詩書學海尋先輩事業名山認後賢一幅征帆  
灘百轉長安翹首杏花天

舟宿麻潭弔胡紹遠兄弟

徐忠孝鏡樵

冥濛殺氣岫頭橫紹遠當年此拒兵秋草已殘邊將血江風  
猶作戰場聲枕戈到底存忠義陷陣還能共弟兄一片青燐  
飛夜影舟人遙指舊軍營

九日登萬福寺

歸來兩負黃花節今日峰頭著意看嵐氣影移山麓動松聲  
遙撼海濤寒但憐心跡秋兼淨莫問功名葉共殘三十年前  
曾此寺滄桑滿眼一憑欄

暮春登獅子嵯

幾度斯嵯共散襟泥銜紫燕又重臨青山不老盟還續碧水  
長存勝更尋酒酌危亭知己意詩敲傑閣故人心最憐謝傳  
遊成癖碁墅風流竟至今

清明日拜師友墓

鶯歌蝶舞綠楊中墓拜吾師酒不空雙屨立殘三尺雪一瓊  
坐老十年風忍忘陶冶勞全力敢說烟雲滿寸衷翹首魂來  
天漠漠啼痕化作杜鵑紅盛字雲夫子

浩蕩春風麥飯時殷勤墓拜韻溪師十年讀後香三炷萬里  
歸來酒一卮不朽中郎惟有女可傳伯道竟無兒那堪淚灑  
衣痕濕幾樹聲聲叫子規李韻溪夫子

秋雨秋風宦遠天我師送我艾城邊江頭一別成千載墓下

武甯縣志

卷四十

藝文近體

五

四百五十七

重來又廿年但識窮通皆有數漫嗟兒女獨無緣平生肝膽  
勞相照忍向春風淚不鮮陳竹屏夫子

當年磨劍話崑崙今日還家拜墓門十里花飛知己泪一江  
雲湧故人魂瓣香渡水何辭邁樽酒來山豈憚煩生死縈懷  
情不盡夕陽遮莫下黃昏內兄費逸亭

巋然三碣蝕蒼苔昆季慇懃酒一杯地下獨嗟君已去天邊  
應識我還來交論道義情原厚誼重安危念豈灰最是不堪  
今日意烏啼花落總成哀盛冰巢珠恩熙堂昆季

瓜源雜詠四則

舒 鏌

吳峰之外居民稠活活陂塘歲有秋飽食暖衣君自取大家

努力易田疇瓜源

割據何曾盡有東一時韜畧霸圖空而今剩得荒榛裏鐵塚

巍然遠望中 吳王峯

十二珠圓怪石頭江心鼓浪戒行舟  
神龍駿馬驅前後日夜何曾阻下流 三硤灘

一村大注想先民五百膏腴漫肯貧  
食德服疇忘手澤仁山祖是插花人 大注村

庚寅九日偕洪瀚青遊白雲寺

副貢 李葆光 良王

寺外重重樹色蒼故宮傳說自南唐  
劫灰不盡仙娘術塵世惟留秋草芳  
日透疎窗幢影亂風迴翠竹鳥聲忙  
息機何處通禪偈三徑花開菊有香

丙申清和節遊龍潭寺和柯學光原韻

鄭公堂上古苔留密竹逕中想昔遊  
狎客鴛鴦臨水鏡愁人風日到山樓  
棟花開後香連徑芳草繁時綠滿洲  
舊事荒涼

武甯縣志

卷四十一

藝文近體

六

四百二十七

頻弔古廣心軒外興濃稠

苦節詩為盛熊氏作

邑令 尹作翰 湘潭人

節婦盛熊氏年三十三而寡家徒壁立苦節三十餘年一子病弱嘉慶乙亥歲荒母子相繼歿詩以憫之  
鏡破幽閨痛藁礎那堪貧病更交侵卅年勉踐生前約一飯猶寒死後心逝者恨難媧石補餒而愴甚掌珠沉慚余惠鮮無長策承乏空鳴單父琴

紀田李氏割臂詩

氏名阿芸田德鄰之妻邑貢生李蓋孫女姑陳氏患痰疾危甚阿芸於九月初三夜割左臂肉以進病痊  
孝重守身氏非冰淵之意矣然亦足以示鄉曲  
庸行無奇特胡為肢自殘但能愚以達亦見事之難霜鏡

中淬冰肌釜底寒爾姑病痊可蓬戶永承歡

奉和尹明府紀蓋孫女割臂詩原韻 貢李 蓋初堂

癡兒安解孝弗恤體膚殘事此原非正為之蓋亦難四更心  
孔切一嚮膽生寒褒予蒙賢宰承懽恐未懽

伊山道中

兩山如闔戶曲磴似難通鳥道循溪轉樵夫夾路逢斷嵒懸  
短狃碧澗下飄蓬顧謂從遊者吾將馬首東

城東暮游

邑廩張 斌力菑

藕花開盡晚雲深十里新凉天氣陰臨水人家秋草綠隔林  
僧寺一蟬吟松楸冷落分杯酒鷄犬闌珊伴藁礎詩句不堪  
重檢照春風前度阮郎心

晚過龍溪寺

邑貢 余在藻 若水

武甯縣志 卷四十

藝文近體

七

四百三十五

鄉村離小徑梵宇入重林井自靈巖出 巖室有石泉盛 于墊題為沉澁 臺披

蔓草盡 寺南一石黎博 講經臺三字今沒 夕陽連遠火新月上高岑卓錫

人來此爐烟直到今

遊武陵岷

不作飛來勢偏占特地雄爛柯碁有局煉石鼓如銅彭蠡蒼  
茫外江城縹緲中 絕頂一峯可望 鄱湖江省諸勝 尋幽誰到此樵徑一山翁

重遊淨明堂

不到篁山二十秋紫芝瓊樹洞門幽塵封古壁餘名韻座對  
良朋憶舊遊流水依然丹竈冷閑雲如故菴宮浮致菴遺跡  
終難覓石色蒼蒼一磬留

武安山

王鶴臯 聽瀾

樞衣泚泚碧峰頭崩劣雄開壁壘稠羅拜兒曹空疊翠摩挾

劍氣漫橫秋蓮塘水冷侵蟲蟻石磴雲肥縱馬牛數百年來  
征戰盡何須弔古恨麻洲

登城東浮圖

邑廩劉夢說去厓

谿笏直上碧雲端鈴鐸聲驚數里寒萬竈烟光生下界九天  
風雨近雕欄舊基荒沒憐耆老塔下舊爲文昌閣故址新鎮雄開憶長  
官西望後貌青百尺千秋遙與峙江干

躡屐緣梯屈曲通江山面面總玲瓏目窮吳楚蒼茫外身在  
烟雲杳靄中勝地隱增興廢感文峰應祝後先同辦香遙向  
滇南拜百尺甘棠識召公

秋日同友人遊天池

邑庠張明遠 愈謙

火雲猶未斂奇山渴想秋風水一灣石洞烟深龍欲住衡陽  
雨斷雁初還草迎古寺聽猿急花落荒台繫馬艱到處不堪

武甯縣志

卷四十一

藝文近體

八

四百二十九

憑弔古丹雘惟許個中攀

寒烟漠漠靜秋山遠水空澄蘸碧灣白鳥影從天際沒孤帆  
遙向日邊還風來橫笛悲長嘯老去簪花好自艱爲我暫留  
池上月荻蘆深處共君攀

龕石詩和韻

李在宮 霽芳

最惜空山小有天不逢青眼已年年崆峒自應吾家有竅石  
甯徒此日懸水出崑心清欲沸春臨洞口碧如烟居人幾輩  
摩挲久漫掃虛房一坐禪

武安山

王鶴音 醒初

疊嶂層巒鹿豕奔當年戎馬此間屯麻潭曾奮勤王勇修水  
誰招壯士魂亂石叢中尋寨趾斷垣堆處認軍門雖然寂寞  
前朝事興廢茫茫感慨存



爲王爲虜古來多成敗由天可若何亂世英雄終草莽衰元  
粉飾諱干戈蚍蜉撼樹忠堪惜精衛填波志不磨生意凜然  
千古在夜深燐火滿山阿

萬福寺

王 紱 渭濃

遮欄水口結高臺聯屐登臨亦壯哉石磴欹斜衝霧上禪門  
軒敞對松開鳥窺密竹驚人去犬隔層林吠客來自笑浮生  
成底事楞嚴讀罷愧凡胎

三斗坪感懷遠公由浙宰武後景泰間召爲集賢殿待

制不赴官籍坪中

國學 夏 雲 參舍

百里郎官浙水賢綠蘿深處老風烟當時琴鶴清如許此日  
溪山畫故然南國別開三斗派西安長戴萬家天玉堂不換  
坪中趣占籍何妨自我先

武甯縣志

卷四十

藝文近體

九

四百三十八

遊萬福寺

邑廩 張 翮 佳郎

高山橫竦獨當空幽境留人蕭寺中雨打疏檣翻竹露絃飄  
曲檻響松風幾層翠岫張藍幙一道青溪繞白虹表裡分明  
縣眼界舉頭還訝與天通

上頭陀寺呈梅岑叔祖

余興樂 存三

拂拂春風度天天桃李枝循途尋古刹隔地訪經師門外原  
無雪家山係有絲菩提施化雨弱草亦求滋

初至頭陀寺

貢生 盧宣旬 來庵

悔不歸來早林泉此地幽路迷山徑曲人到竹聲秋乍覺心  
如水誰惟隱是邱老僧何處去破壁白雲留  
雅集追先輩扶筇愧此過無才能繼美有志敢同科古木山  
中密閒雲屋外多躑躅斜日下飛鳥正還窠

上董源觀音閣

邑舉鄔魁斗曉嵐

境非幽絕不棲僧山寺如斯得未曾屋以懸岨高下結橋由  
斷澗短長乘十年鞍馬空行篋一榻琴書憶舊燈纔賦歸來  
又惜別還當重與說南能

壁田雜咏

邑庠余斗南讓三

花明草碧讀書臺無限春光面面開昔日文壇成古蹟千尋  
嘉樹倚雲栽讀書亭

俊猊山勢踞中流昂首直疑薄斗牛水作吼聲雲作鬣漫云  
溪有毒龍游獅子山

大陂潭水日悠悠烟雨迷離幾度秋一自由人留好句至今  
餘韻不東流大陂潭

巍然一柱插蒼穹四面青螺在下風到此塵心都不着幾疑  
武甯縣志

卷四十

藝文近體

三百九十三

身在碧霄中天柱山

九日遊疏峰寺一名龍王腦

李家俊課郎

秋色秋聲淡此峰年來九日慣扶筇雲流古屋丹楓靜露冷  
頽垣蔓草封有客尋香過石徑何人舀水下寒春齋厨醉我  
茱萸酒底事名山更號龍

塘埠竹枝詞

李維綱

昔日西流近北侵灣傳塘埠代相尋至今高岫桑田處掘得  
沈航十丈深

連村正月早迎儼裝點兒童學舞戈金鼓磔禳輪值後元宵  
燈火逐門過

舊聞打虎擅塘田曾慣長林列陣前近日太平無猛獸鍊鎗  
機傘漫留傳

種豆桑陰產物華秋來爭向酒筵誇紅絲數縷杯中起絕勝  
仙人嚼晚霞

拜馬守府墓

邑人吳泗賓准

東郊閒步弔忠魂冷雨酸風鎖墓門半畝荒園一杯土年年  
杜宇叫黃昏

白頭兵起競銜枚江省西南鼓角哀鼙爾孤城資保障憑誰  
畫策掃氛埃

將畧由來破苦辛裹尸馬草屬何人銅標早建原家學又見  
將軍是後身

掃盡櫓檣氣不舒論功誰與易銅魚可憐此地埋孤塚寂寞  
金陵望故居

豐樂寺

邑庠熊肇元敬修

武甯縣志

卷四十

藝文近體

十一

四百〇四

廿載江城始賦歸掃除舊恨契禪機山邨鎖處開豐樂溪水  
環中闢翠微好友常邀沽酒店清風多伴釣魚磯大橋西去  
家園近紅葉蘆花隱落暉

五泉洞偕門人余峻

邑廩張邦達諡懷

潤物心原急爭流出大川濤飛千練淨泡湧五珠連噴石晴  
常雨穿嵯嶮可田鍾磔詩品妙琴向綠陰眠

賓陽橋晚眺

張大經肅齋

迎恩門外古賓陽竺壽清風到女郎罷市人歸紅樹急還山  
鳥渡碧烟忙林間大半要離塚湖上誰新子侃堂側帽天津  
朝易暮百年世事感滄桑

四望亭懷古

盧先枝片雲

賜緋同日拜堯階訪友閒登百丈崖郭外一亭高莫並山頭

四面望無涯重新有客追風雅話舊何人續等儕先後凭闌  
雙宰相烟荒草蔓正縈懷

答雲臺寺某人

柯愈達

袈裟閒坐石臺橫不定行蹤笑我生十里秋光回首處空山  
烟雨讀書聲

同畢鏡庭夏占鰲登大崙山

邑庠 李子昂 客圃

高登古孝碧烟濃老樹蒼藤小徑封幔卷白雲羅密竹牕開  
紅日漏疎松長拖匹練橫修水遠出層霄峙柳峰何日同君  
參上乘大羅天外契禪宗

劍山早秋

邑庠 盛 濤 嘯江

何人報道梧桐落有客狂歌對夕陽壯志不隨秋色短雄心  
偏耐肅風長百年事業餘殘暑十載功名一徹囊盼耐寒蟬

武甯縣志

卷四十

藝文近體

十一 四百三十六

休晚噪王孫早已問穹蒼

龍潭石晚眺

李 赤 岸秋

巉巖怪石鎖江干返照入江峰影寒蒿艾披離坵顛顛龍蛇  
剝落蘚團團豐熙第宅餘荒址騷雅風流悵暮巒最是山川  
流峙處幾林黃葉聚飛翰

修步雲橋成同友人賦

陳 笏 劍西

年來病涉總傷神喜見長虹臥古津三載星霜心力瘁一朝  
車馬往來頻留題藉有青雲客扶杖欣看白社人漫羨濠梁  
饒樂事相攜斗酒醉花茵

題破石

邑貢 王崇德 原名

鈿鋒傳寶鏐峭石破茲山修水蟠如帶秋潭淨若閒蛟龍潛  
伏處 下即龍腹潭 水月兩清間 黃山谷嘗題水雙清四字 世澤開南宋長坪

鎖一灣

題石湖

鏡寫長天色波涵倒影山水寬魚鳥樂歲稔桔槔閒婦餉垂  
楊听磬敲碧藻間最宜秋潦淨新月掛銀灣

地平雜咏

邑人陳致新 嶺梅

澗水潺湲滙雨渠彩虹齊臥勢凌虛橋邊應有仙翁至孺子  
殷勤待秘書

誰將翠蓋聳陰清藉有蒼松不世情野老幾回醒午夢颼颼  
滿耳聽濤聲

修江砥柱鎖雄關翠影嵐光霄漢間孰令名山長姓柳讀書  
臺上暮雲閒

康山亭子薄雲霓四面峰巒入望低搔首談天空濶處秋烟  
武甯縣志

卷四十

藝文近體

十三

十三  
四百三十二

漠漠下蕪溪

三鈞岨

俗名鑼鼓洞在南鄉其上為瓶源

邑廩盛學蘇屏宇

瓶源瀉處透天池瀑布匡廬想見之繞樹溪聲疑跋浪穿枝  
雨點訝纒絲雲根誰躡蛟龍跡石罅常深江海思坐憩茅亭  
懷往事喧闐鐘鼓正催詩

四望亭懷古用韓魏公元韻

郡庠舒暢之 海帆

依然勝跡附巍墻遺澤先民春思長荆棘坵墟新景物水山  
圖畫舊封疆使君星澗人思馬墮淚碑殘我憶羊盡日亭中  
望不極摩挲烟樹下斜陽

春日遊鳴鳳寺

舊名毘盧岡又名西瓜寺

盧志組 諧石

松杉萬壑翠娟娟水奔飛漲野泉夾徑閒花多引屐傍門  
餘址半成田雲端擊磬僧傳課竹裡烹茶鶴避烟却笑此身

無暇日皈依何計脫塵緣

次朱明府象牙洞茶詩元韻

邑庠李峯肩五百

漫說盧同七椀茶野人輸悃火前芽金槍剪剪冰壺月玉屑  
霏霏石頂花坡老品餘增物色涪翁去後減聲華從今又得  
添佳話休向寒山處士誇

寄呈張閩榻先生

魏峩從笑腐儒冠掩卷何須愼寤嘆跡遠公卿非脫畧雲浮  
富貴豈懷安文章揖讓周秦漢古道持循孔孟韓百里相思  
嗟歲晚飛鴻不度雪漫漫

水月亭

監生張景瀚

勝踞城西別境開欹盤山麓水之隈一亭秋色江環抱萬頃

波光月送來自擅龍潭清影趣亭下黃山谷題有龍潭清影四字幾經鶴筆

武甯縣志 卷四十

藝文近體

十四十四 四百十九

上人才祇今留得浮圖影搖漾東風洗碧苔

修文塔紀事

邑庠盛學暢驥遠

欲樹文壇幟先修雲路梯人工彌缺陷地脉認端倪鞭石慚

無術登高敢擅題賢侯培植意桃李自成蹊

勿剪亭

州同畢汝昌良青

韓公而後遂名隆底事溪山總不同勿剪阿誰思召伯蕭蕭

楓葉下秋風

永慶寺即夏堰寺

邑庠盛學黃鍊機

迴龍游覽嘆荒涼作鎮重新選佛場鳳嶺參差分竹瘦獅岬

拱峙引江長纜牽洲嘴晴兼雨菜壑城根市亦鄉紅蓼蒼葭

秋滿眼伊人誰在水中央

暮春梅顏坡卽事

吏目畢富會文元

梅顏紅紫觀輪蹄，歷徧深春醉眼迷。水漲不妨漁艇細，山高自覺鶴巢低。芝蘭向暖宜修禊，童冠嬉晴詎浴沂。折柳阿誰橫短笛，東風吹過小橋西。

蟠龍寺

張東辰 頌存

濃鎖雲烟石磴斜，勢蟠牙爪未全遮。路迷丹鼎遺仙址，嵐矗奇峰結梵家。風弄貝音翻竹柏，月移書幌阜樵杷。重來此地僧知否，靜閉香臺就五車。

東湖古白馬廟紀事

邑庠 李會春 葦舟

綠水東湖柳岬邊，董公祠宇草芊芊。紅橋過處風波靜，牛斗望餘劍氣懸。玉柱安瀾羈白馬，鐵爐純火裊青烟。當年居里誰徵實，剩有殘碑得信傳。

縣志誤載董晉字混成武甯西門人廟碑載武甯瓜源人

萬福寺

監生 潘元譜 掬芳

武甯縣志

卷四十

藝文近體

五

十五  
四百三十七

突兀獅岬踞上頭，四圍古木帶雲稠。長吞鳳口三源水，翠枕桐林一段秋。竹掩斷岬懸石磴，欄憑絕壁瞰溪流。此間饒有烟霞趣，好對羅天豁遠眸。

登玉泉山

熊翼豐 茹含

尋幽底事到雲巔，欲覓禪關白玉泉。石骨倒懸秋澗水，鐘聲遙落洞門烟。莓苔自綠三丁路，松竹常陰六月天。對此渾忘塵世界，靈源長濬日涓涓。

鹿岡晚眺

熊高德 浴川

仙人西去白雲空，躡屐捫蘿暮色中。牛峽祇餘春樹碧，鹿岬長伴夕陽紅。荷柴豎返荒烟外，趁渡人喧古岬東。此日登臨多寂寞，同儕誰憶舊時風。

紀綠峰

王子笙 鶴山

巍峩勢欲接穹蒼古樹蕭疏一兩行  
烟裊迴風岬窾出鳥浦  
宿霧嶺頭翔綠蘿深鎖金城固  
峯下有金城觀紅日斜穿石鏡光  
不是山靈堪降雨誰來絕頂祀龍王

太平山

邑庠王鳴逵 于岸

層巒擁翠插天闕流水行雲自往還  
古殿清幽人對語浮生  
幸借片時閑

柳山聞笛

王文馥 西園

寂寂寒山小徑通客心愁鎖梵王宮  
早春不及美人意一笛  
梅花落曉風

業山硯

廩生盧定煥 燕存

此石埋藏久浮山硯礪多忽然逢匠斲  
遂爾出巖阿潤澤深  
逾好堅貞老不磨瘦吟空谷裡鵲  
眼顧如何

武甯縣志

卷四十

藝文近體

六

四百十四

古蹟八詠錄四

盧元璋 棲山

滿徑濃陰蔓草侵江公底事入雲深  
讀書此處饒先達俗語  
荒唐勢不禁 瓜源書臺世傳江萬里  
讀書處舊志已辨其非

仙人居址系遼東兩地遼東自不同  
何事鶴翎難再覩橋邊  
惆悵憶丁公 觀鶴橋

菽水承歡信古今娛親詎必自臨深  
朱公孝行留茲井傳會  
無端指鑿尋孝子井

石磴嶽嶽一瘦岡村童野豎牧羊  
將軍不飲當年馬勝跡  
誰留草木香 飲馬岡

柳山讀書臺

盧盛淑 湛虛

伊誰位置讀書臺當日貞公到此來  
案牘消除心地濶友朋  
親密性天開雲邊酌酒酬清興  
石上揮毫掃綠苔風韻不因



陸谷變名山猶是識栽培

青年峽

國學熊羽就為上

眾山迴合處南北自區分昔日共防虜此中曾破軍交飛溪上鳥不隔嶺頭雲訪道青牛客悠悠鍊笛聞

水月亭懷古

李心揚

水月流連處逾時一變遷涪翁留此勝清影至今傳路逼江岷險亭傾石磴穿惟餘蝌蚪字剝落蝕風烟

遊玉清宮

姚一瓊

仙房誰與玉同清老子廬前遠黛橫古樹參天芳草瘦閒雲繞屋晚鐘輕松花滿布來飢鹿竹翠平鋪罩睡鶯坐對活泉心更靜飯依遙憶入山情

嚴陽山

翁宗燦

武甯縣志

卷四十

藝文近體

七

四百六

崎嶇石磴斜過處白雲遮怪石蹲如虎蒼藤曲似蛇棚民編甲戶畚燒墾桑麻在昔荒榛莽風烟表物華

老蛤石

高阜多奇特卑岷亦絕倫無聲鳴竅穴有象躍江濱纜擬牽蝌蚪珠應吐蜃蟻地靈非有意長此駐嶙峋

重陽過泗洲寺

盧雋拔 墨耶

猶憶當年此梵堂幾回詩酒度重陽追隨兄弟兼師友討論周秦及漢唐貝葉難尋三昧秘木魚空嚮一僧忙暮雲黯黯禪關外漫有黃花晚節香

泗洲寺感懷

盧霞舉 南州

泗洲依舊此彭隴雲樹蒼茫一望同經室尙傳三世火禪林漫溯兩朝風跡遺雁嘴訕荒烟外悲在蘆花訕落照中長使

文孫憑弔處摩挲殘碣篆痕工

過方鴈里先生墓

盛 躋 特村

筍輿偶爾墓前過拜向苔封古篆摩大筆已難求舊稿鴻名  
僅得數魏科春風翁仲榮芳草夜月祠堂映玉波屈指於今  
三百載蒼茫身後悵如何

望江樓懷古

盧志綏 白亭

此地曾傳水上樓當年賓主擅風流祇今極目控濱外兩岫  
蘆花數點鷗

看鶴橋同宗姪綠波分韻

夏芳茂 鶴溪

藕花塘畔水淪漪百尺長虹結構奇秋老溪聲流月碎山高  
鶴影下天遲家中誰識千年客亭上人傳七字詩城郭到今  
如故否清宵莫負共來時

武甯縣志

卷四十

藝文近體

六

四百十二

遊柳山讀書臺

陳 範 洛書

夙仰高賢跡今朝躡屐來路忘三徑仄眼向九霄開洗墨空  
遺井橫經剩有臺殘碑留古篆讀罷意徘徊

登文峯塔絕頂

國學 盧志絡 北堂

一峯屹起矗雲端八面玲瓏縱大觀烟火萬家山色迥城樓  
百雉畫圖寒蹲獅傑閣低塵壤飛鳳閒僧掃石欄不有賢侯  
培植意千宵那得士林歡

羲洞瀑布同門人家駟分韻

邑增 余未學

羲皇遺洞在一水落晴空瀆薄千絲雨迷離百丈虹蛟龍疑  
有窟懷葛詎無風頃刻朝宗意長鳴入澗中

遊西巖

程 越 超然

聞說西巖擬洞天來遊悵未渡前川空餘獸象蹲山麓  
巖形如獅

前建 剩有鍾聲到耳邊  
彼岍橫舟還泛泛  
我懷清興尚翩翩  
何時鼓棹乘風濟  
遍閱靈竒了夙緣

望江樓懷古

盧定垓

不見江干舊庾樓  
荒垣漠漠草悠悠  
漁樵未解悲離黍  
風月徒爲戀素秋  
至此踟躕尋往蹟  
更誰詩酒續前遊  
當時詠詠人何在  
惟有長江日夜流

泗洲寺弔古

盧志綸 載馨

到此方能滌俗衷  
紅塵遠隔白雲中  
牽人傀儡誰先悟  
過眼邯鄲覺後空  
補壁殘箋淒夜雨  
封門古樹瘦秋風  
老僧不解悲歌意  
山酒殷勤勸醉翁

前題

盧志縉 竹吾

無着休稱不老翁  
禪門那復舊家風  
經壇草蔓香台冷  
錫杖

武甯縣志

卷四十

藝文近體

十九

四百十二

雲飛佛院空澗咽  
細流危石上山寒  
野菊暮雲中由來  
此地憑先澤  
田海滄桑啟寸衷

柳峰懷古

盧志純 韻虞

孤峰依舊紫嵐侵  
誰復披雲一日臨  
湧翠亭邊紅樹繞  
貞公祠外綠蘿深  
石門詩句侵風雨  
雲壑泉聲變古今  
徙倚荒筵還寂聽  
嗚鴉飛上夕陽林

飲馬岡

邑廩 盧書洛 慕伊

山徑嶽嶽舊有岡  
岳公策馬討平楊  
嘉名漫擬長城窟  
遺像曾留百戰場  
牧笛橫秋依碧澗  
樵斤斫晚帶斜陽  
非關節烈千年壯  
那復平原姓字香

棣華堂

邑廩 盧爲軾 凌潮

宣和門內有人家  
宋代冠裳額棣花  
兄弟八行才並顯  
友于

累世愛無差天朝錫類來優詔仁里詒謀自物華數百餘年  
傳世德荒涼古屋畫龍蛇

義溪

鄔樹績煥雲

江州自昔擅名門艾子城西復有村堂錫嘉聲開棣萼溪流  
活水兆金昆環家老少垂千口繞膝曾元共一尊雅化即今  
多輯睦好敦孝友奏篋墳

瓜源淨明堂感懷

李子膏

深山茅屋幾何年有客來遊思渺然萬卷藏書隨羽化國初  
道人  
李致菴與書萬卷誅  
茅於此今多殘闕一卷古石尙高懸石磬  
備存空留明月窻中  
白誰駕青牛物外旋花落花開春寂寂每教風雨下林泉

足才閣

李心顏

吳公作宰復何如宦橐蕭然善積儲別有倉箱錢穀外偏饒

武甯縣志

卷四十

藝文近體

二十

四百三十一

結構古今餘縱橫鈿軸鋪緇帙緝綴山芸絕蠹魚文吏風流  
兼仕學訟庭閒處是琴書

棣華堂

周壽堦茂三

累世同居艾子城金昆玉季擅嘉名芝蘭並秀惟賢友棠棣  
聯芳本善旌五馬由來惟悌弟入龍端的是難兄當年佳話  
留題處世德祠前樹紫荆

讀書臺

邑庠張廷範對松

有客飄然憇靜居山陰隱隱結精廬窻開圖畫裁新句石長  
莓苔曳舊裾得意深時無富貴賞心多處是琴書鳥聲漫擬  
江南曲暮厯村烟遠望餘

重九登慈仁寺鞍峰

方道隅鐵廉

重九雨何曾鞍峰試且登原田分厯厯焦土拆層層日近當

頭好雲浮過目能幾時甘澤降食價庶無增

同余奠邦宋良遊淨明寺

邑庠張夢詔

禪關同寂歷到此更清幽柏老囊懸蓋松蒼劍挂虬許旌陽  
懸此有

挂劍松  
懸囊栢石湖晚眺

熊美芬谷青

獨立晴湖秋石間晚風吹浪細灣灣村烟欲暝富前路斜日  
猶曛水面山牧笛吹殘疏柳暗砧聲敲罷白雲還貪看暮色  
無邊際沽酒人歸月半彎

雙嶠寺

邑庠劉運晃

萬仞山頭一刹懸鐘聲響入白雲邊我來誰與參同契別有  
維摩一味禪

柳山讀書臺

邑庠張志書

武甯縣志

卷四十

藝文近體

二

四百一

一峰高出絕塵埃自古相傳幾劫灰司馬何心留勝蹟到今  
猶有讀書臺

定嘉坪卽事

林鶴問埜

呼童鋤藥去緩步入幽林徑曲蟠香草溪深蕩水禽撫松躄  
小憩倚石試高吟客少柴門冷歸來酒獨斟

九日同友人獅嵯分賦

李宗陽滌波

雲鴈度禪關尋幽喜共攀牧童斝野徑樵斧響空山北拱峰  
千疊西流水一灣登高無限趣楓葉醉中顏

迴龍寺

邑廩劉占鰲

修水荒荒去東流迅入河峴迴翻浪急市近泊船多貧衲挑  
蔬菜頽垣長薜蘿野鷗遊興緩初趁曉鐘過

登山臨水亭

邑增杜中維

狡狴石鎖大江流特起危亭最上頭古閣雲飛紅樹迥遙天  
鴈度碧潭秋四圍風景憑欄集幾輩詩人載酒遊西望山城  
真畫裡夕陽林麓下汀州

獅嵯對雪

歲貢 費鍊華

自愛獅嵯入畫圖更添粉本重追摹山寒村舍炊烟靜雲凍  
園林老樹枯流峙分明皆入定高低界劃竟如無此來正好  
參同契白雪峰頭是我徒

四望亭懷古

監生 李和春

突兀高峰壓女牆名亭勿剪繫思長綿綿阡陌新禾黍漠漠  
雲山故井疆樵客豈曾迷覆鹿牧童仍自策羣羊文忠勝賞  
今何似又看遙岑下夕陽

足才閣

武甯縣志

卷四十

藝文近體

三

四百十四

堂陰傑閣已成墟緬彼吳侯倍悵如觸目一庭荒草滿空聞  
萬卷縹囊儲春風自昔懷燕吏雅韻于今息燕胥安得宰官  
重繼美公庭詩酒疊相於

義溪

邑庠 盛時珍

七世同居號義溪勲名亦葉等雲霓桑麻雞犬桃源古賓客  
兒童錦里齊花鳥一庭饒竹帛風光滿座盡金泥忠君愛國  
更誰並世德堂中擅品題

讀書臺

葛昌園

荒臺一徑翠微通勝地標名自柳公那見詩書依石室但餘  
烟霧隱茅蓬明窻洗盡三秋雨古樹吹殘五夜風幾輩投閒  
橫臥榻滔滔修水悵懷中

遊嵯山

山有白羊峯羅漢崖  
峯梓石風洞諸勝

吳宇昌

紹文

借得遊仙屐來尋物外天烟銷孤佛出雲暖一羊眠空洞風  
難息殘枰跡自傳奇幽窮不盡斜日挂岷巔

看鶴橋

聶以淦

本是遼峰得道仙翻飛白氅上青天歸來幾處留聲韻冲舉  
何時任往還逐隊征鴻秋月夜營巢乳燕晚風前當年羽化  
憑誰問雁齒橋頭悵晚烟

遊九宮山

國學吳黻 蘊堂

十載臥遊天下勝九宮奇境那能逢雲連布水疑飛雨風撼  
虬枝訝嘯龍山上石頭傳試劍殿中遺蛻識三峰詎有仙卽  
是堪名處况乃孤高駕萬重

孝井

國學盛年 茹霞

朱公孝感漫通天掘井無多已及泉抱甕不勞修綆汲挈瓶

武甯縣志

卷四十

藝文近體

三

四百三十四

詎假輓轡旋承歡幾輩推賢子井養阿誰愧俸錢甘冽祇今  
稱古跡櫺星門側草芊芊

遊龍潭寺

陳權齋

梵刹鎮江隈尋幽趨曉來老僧披破衲敗壁補蒼苔燈影時  
明滅禪門任閉開夕陽迷舊路幾樹暮烟堆

柳山讀書臺懷古

邑廩陳鴻幹 掄實

柳峰秀削矗江邊司馬遺蹤尚宛然自古書生能料敵從來  
隱吏卽成仙安排斐几尋真樂掛起湘簾豁遠天千載高風  
何處覓白雲繚繞翠微巔

前題

邑庠陳治方

修江七百勢逶迤絕頂登臨一覽之萬岫碧雲疑送畫半空  
白雨欲催詩苔痕淺逗青紋席草色斜侵綠字碑回首夕陽

亭影裏高山流水湖洞思

前題

陳繼案

抗言曾記謝張公直節森森孰與同風月臺邊任吟咏由來  
宰相號山中

柳山寺

歲貢張曾勳巨虹

落日映仙關高峰壁立閒人來青嶂外鐘出白雲間寺古松  
遮牖禪空月照山書堂遺址在砌下水潺潺

登青山寺望九宮山

直上靈山縱大觀諸天結構倚雲端磬聲縹緲沈幽壑鳥道  
依稀繞翠巒地脉遠從千里續嵐光高向一峰攢謾言挾纊  
來相訪冰雪炎生六月寒

遊長墅源

黃湘橫溪

武甯縣志

卷四十

藝文近體

二

三百六十八

四面周遭倚翠巒人烟高出半天寒窮源有路崕幽仄野渡  
無橋水屈盤林木霧深疑豹隱溪潭浪靜想龍蟠此間應種  
桃千樹留待重遊仔細看

九日登四望山

黃兆楨柳塘

崕岫蕭疎積翠同尋幽到此興無窮茱萸插滿登高鬢木葉  
飄斜落帽風遠水長拖秋練白晴嵐高映夕陽紅當年勝跡  
今誰問勿剪重留錦字空

由西安赴章門

邑令陳瑞球羅田人

東風吹送箬溪船夾岫垂楊裊碧煙記得年前停泊夜一篷  
寒雪聳詩肩

三碛舟中

晴隰鋪金菜著花炊煙隔樹幾人家支願坐對遙山雪一霎



風帆到白橙

西安清明

遠烟霏雨入垂楊菜麥風來撲嫩香又是清明時節近五年  
空憶土門莊

獅嵯晚眺

李啟元 蓋三

狡狴突兀搏雲出斜瞰寒潭百尺空石蘚斑瀾沿淨綠山花  
零亂墜殘紅鶯啼古樹春風裏人倚危嵯夕照中閣上鐘聲  
天半落參差漁火起江東

遊萬福寺

生員 鄧匡本 粹儒

山深藏古寺數里碧雲浮曲磴盤空上飛泉瞰壁流鳥鳴叢  
樹裏人立萬峰頭歸路斜陽外踈鐘晚更幽

艾城晚眺

萬朝 西齋

武甯縣志

卷四十

藝文近體

二五

三百五十五

夕陽樓上思茫然望盡東南半壁天吳楚分關橫積翠乾坤  
到眼盡寒烟還林鳥亂城頭樹歸市人呼渡口船我倚危欄  
歌一曲乘風吹入暮雲巔

劍溪曉望山雪

高懿 近泉

寒雲蕩漾散晴空曉上高樓望遠峰昨夜青山千萬里北風  
吹作玉芙蓉

高屏山

盧定榜 吳松

結屋山腰地不寬兒童伏檻數峰巒草堂無客雲來往百尺  
飛泉瀉碧湍

舟過中潢

萬遠吾

雨後舟行過石磯雲山隔岫掛晴暉誰家竹裏斜懸網阿婦  
溪頭獨浣衣杜宇聲催田鼓亂垂楊枝帶暮烟飛客中留滯

驚春老西望蒼然返照微

南渡新洲

盧森楊 綠村

舊是城南渡潮平忽見洲岼容如待臘江影若爲秋勢欲蟠  
沙起情還逆水流暮烟橫遠浦人喚木蘭舟

重陽前四日偕陳棠舟鄒小園陳作舟登獅岼復過觀

音閣小憩

錢塘茂才程 綬 研北

爲防風雨阻清游預約登高散旅愁遠水劃開雙塔影亂山  
圍住一城秋棊枰客自誇神手 時座客亦棊 米汁吾將禮佛頭生  
長西湖各勝處漫來此地小勾留

重九日同人登四望山歸集評詩讀書之室秋河令尹

用余登獅岼韻賦詩疊前韻酬之 錄

使君冠帶嬾同遊特設干觴遣四愁有色香惟桑落酒最清

武甯縣志

卷四十

藝文近體

二十六

四百三十六

寒是菊花秋詩盟莫漫爭牛耳醉態難教畫虎頭蕭介文章  
臧盾飲古來一樣美名留

遊太平山及宮

邑庠楊樹元 體之

凌霄逼漢獨居尊俯瞰重巒子若孫日曬頭痕天作蓋雷喧  
脚底雨傾盆屠杉影影青來砌鼓吹聲聲細入門山色不殊  
風景異何須世外謝塵氛

暮過馬岡寺題壁

邑監盛 滋 更生

誰識馬岡上悠然選佛場野田紆徑綠苔草沒堦荒磬定雲  
俱寂松吹心自涼蕭蕭人境外閒坐但焚香  
一榻松堂靜我來適晷旋高僧能愛客淡月自留人煑石流  
香遠裁雲琢句新聞山如可接吾亦結吾鄰

五鳳山寺

邑庠王維齡 冠西

一榻松窗下蒲團坐老禪雲閒棲五鳳都與靜為緣

龍王崖在下南鄉  
禱雨輒應

余希朝對思

絕壁乘斜磴龍龕望翠微點崖方躡足披莽欲牽衣神像巖  
為室蛟宮霧作屏一夫當險處升降莫能飛

再遊武甯舟次三硤

御史鄒玉藻奉新

苦雨添春漲江心一葉寒艾城知不遠默默倚篷看

節婦潭弔古

貢生盧金鏡秋水

竟不澆杯酒長孤絕命吟潭澄寒徹骨月朗白當心愁柳千  
年在悲風萬壑深偏茲巾幗裏名節比高岑

羅溪

邑令吳之彥

橋作機牙魚作梭此溪因以織成羅風吹水面龜紋縐雨打  
波心象眼多萬丈不容紅粉染一絲那許綠藍拖我來欲買

武甯縣志

卷四十

藝文近體

二十七  
四百三十

裁春服試問天工價若何

贈朱松齋明府集武甯縣志中句

鉛山奉新余成教教諭

蘇黃誰與契高風百尺甘棠感召公題品我慚無妙語老夫  
不與縣官同

半山樵歌

邑拔余見龍淡溪

野調依窮谷悠然自往還松聲尋逸韻流水共幽閒出沒雲  
烟外縱橫泉石間長歌清晝永新響滿空山

過慈姑嶺贈陳會雲

貢生熊鎮瀾歐廬

方圓二井仙泉滿遠近千家慶澤長天遣慈姑仁庶物大田  
齊咏稻花香

業山示同學諸子

邑人周璧紆原

山齋一徑翠微通面面嵐光迥不同白水階前翻石壁紅花

谷裡隱茅蓬消閒坐看雲生牖習靜時聞雨滴空爲語諸生  
須著意文章煙景滿山中

春日登南山

邑廩生 葉如范 鄒生

萬仞南山翠插天扶筇登眺思悠然柳峯聳秀屏環外仙鎮  
凌空咫尺前頂上分明低日月脚根縹緲走雲烟春光淡冶  
風盈袖浩蕩乾坤妙畫傳

訪竹林館

張 望

一屋山深水更幽萬竿脩竹簇紅榴露香摩墨花陰几雲氣  
封門漢傍樓濯濯道心酣午夢丁丁棋子落寒秋天教高士  
將麋鹿山北山南興未休

潭埠曉發

舉人 余世蘇 吾坡

又向章門去淒涼作此游一江漁火淡兩岸曉烟浮歲月難

武甯縣志

卷四十

藝文近體

二八

二十八  
四百三十三

頭水風波海上鷗家山猶在目客思正悠悠

遊丁仙觀

邑庠生 余 珊 鐵愚

爲尋仙蹟認幽棲藥灶丹爐舊是非一自遼東人去後何年  
華表鶴來歸柏陰遠覆莓苔石古壁斜拖薛荔衣到此可能  
分半榻浮生應許暫忘機

獅崖秋望

邑貢生 洪達霖

獅崖高聳水廻環砥柱中流此一山竹翠交加丹閣裏松濤  
瀕洞畫樓間江涵白雁清秋影徑繞黃花古佛顏勝地道心  
何潑潑紅塵飛不到禪關

青牛洞口晴雲

余仁瑚 右夏

天高雲影薄縹緲更何依麗日開虛景乘風裊白衣隴頭秋  
共老洞口鶴俱飛遙指帝鄉近還思相與歸

蘇峯寺秋夜懷友

邑庠邱白

半榻茶烟閉竹扉蘇峯風雨夜相依緣何江路清秋隔燕子歸時雁獨飛

送友人舟發巾口

驪唱巾邨送客舟殘霞一陣雁橫秋晚波風迅蘭橈發空對白雲江上流

大觀樓落成陪許勉齋明府宴集

郡庠雷應時妙村

南樓舊倚大江濱保障功懸傑構新縹緲丹楹森雉堞參差碧瓦疊魚鱗雨絲密散千村曉花錦濃堆一縣春勝地華筵寇履集風流倍仰宰官身

振衣隨步大觀樓畫裏空明恣遠眸水上霞光檐際閃林端雲影鏡中浮江天豁達開生面賓主縱橫宴上頭消受春臺

武甯縣志

卷四十

藝文近體

二九

四百四十五

風日暖老人扶醉進衢謳

新峯雜詠

邑庠黎中秀

新峯開淨境莫更問東林古佛精光現曇花匝地深  
城嶂周遭合石門一徑通不須頻鎖鑰時有白雲封  
洞外蒼苔老洞中玉液深留教仙子汲未許毒龍侵  
混混雙溪水交流一色清石梁三道接上應泰堦平  
題萬和圃先生所得宋黃文節公銅雀臺瓦硯七律二

章

邑舉余韻珊海門人

建安歌舞宋文章閱徧千秋瓦一方片石何緣伴夏鼎高臺久已付滄桑阿瞞事業歸銅雀山谷風流見辨香畢竟古今誰不朽硯猶如此我思長  
摩準銘志認鄉賢硯有山一石三生信有緣條辨魯魚存史

筆硯山銘志與山谷集所載微有不合者和圃作記辨精詳愴懷今古見名篇從來隕地  
星成石一自開函劍躍淵嘆息浩翁真好事不教篋伍山谷  
云不與待君傳篋爲伍

豫甯書院呈李白邨師

余士駿火棠

狂來一說野狐禪長大曾難故態捐宿魄未銷空倚酒頑根  
可賣不論錢有時自得閒拈韻無處尋思漫撫絃何似薰風  
頻着物聲兼山雨夜連綿

重遊石鏡寺

邑歲貢余士驥雲耕

突兀層峯小洞天登臨此會更悠然鐘聲靜與泉聲遠雲影  
低隨樹影連幽榻經開風動貝小廳心定鳥窺禪伊誰斗酒  
還相約重結名山未了緣

槎溪十景

例贈文林郎余善世禹開

武甯縣志

卷四十

藝文近體

三十

四百三十七

層巒叠嶂繞重重寺外香爐起特峯最是日來雲去候飄搖  
一段紫烟濃香爐紫霽

石徑迴環透竹松禪林靜處白雲封吟殘一片團團月好聽

山僧打夜鐘山寺清鐘

山下清泉一道開幽崖瘦石長莓苔岩深浪說多奇獸意得

秋風獵父來聚獸幽岩

舊感新愁入嘯歌蕭蕭古洞寫懷多而今不見猿啼月野徑

烟殘鎖薛蘿啼猿古洞

春到山窩識得無花開紅樹草平鋪桑麻隴外聞雞犬依舊

桃源古畫圖桃窩春意

兩峯高立護雲深石均蘿青合弄琴除却午明山日過任教

晴霽總生陰蘿均峯陰

嵯峨峻嶺對窓橫時有清風繞樹生領畧此中天籟好閑來  
松下聽濤聲

橫嶺松風

數尺虹腰卧野津津前楊柳幾經春頻年眼色青如許看盡  
橋頭去去人

橋頭柳色

寶座巍然絕嶺懸玉堂何日謫來仙無須上界尋瑤島滿塢

烟霞卽洞天

仙人寶座

半弓新月落山坡石齒層層透露多細雨如膏草如髮遺梳

猶自說韓漣

韓漣銀梳

偶憇烟山石亭與張生尙銘分韻

貢生盛世

人生飄泊等浮萍豈有前期此地停曲徑通時低崕巖懸崖  
立處走雷霆關心遊客歌還笑放眼詩人醉復醒喜挈門徒  
登絕巘清風爲送半山亭

武甯縣志

卷四十

藝文近體

三一

四百五十三

湛軒夜讀示門人石育瀆昆季

邑庠余復牛鵞

文章煙海浩難工慕道方知道岸崇豈有高才嗟屈躄漫將  
小技鬪雕蟲三春花影齋延月一院松聲座引風風月往來  
真趣得襟懷端不落塵蒙

九宮山

貢生車運亭奇峯

粒粟浮人海飛身眺渺茫兩肩摩日月一掌辨元黃不見山  
中靜焉知世上忙逢仙吾欲問何處話滄桑  
瞥欲冲霄去罡風拂拂牽胸羅諸佛相衣惹上方烟鳥夢曇  
雲地鐘聲襄谷天名山勾引我因果證前緣

秋日登萬福寺浮屠

邑庠舒暢之海帆

秋風吹我到危巔如此招提興渺然下界人歸塵莽裏飛崖  
屋傍斗牛邊堪嗟紅葉憑誰醉最愛黃花不受憐指點虛無

還淨理木樨香裏坐參禪

遊珠崑

偶乘勝日至珠崑最好幽尋此洞間峭壁忽凹生鐵結懸崖  
如蓋畫雲斑三湘有雁天初冷一座無塵我獨閒願得攜琴  
彈夜月照將清韻出空山

重登蜜峯尖

邑舉人王顯仁 芥園

此峯高秀草芊芊有客登臨氣浩然薄午雲初收翠嶂舉頭  
身已在青天放開眼界三千里隔斷遊人十五年逸興渾忘  
塵世慮觀空時復聽流泉

飲馬崗

太學士潘元譜 蕉雨

長崗絡繹艾城西武穆當年駐馬蹄烈血一腔泉底徹神軀  
八尺望中齊聊將飲水酬饑渴何用投錢競品題千古寃成

武甯縣志

卷四十

藝文近體

三二

四百二十七

三字獄行人淚灑夕陽低

秋夜仙源寺西樓卽事

石載華 谷園

一榻橫空踞上游夜深時聽水聲幽偶承竹露供鸚鵡又放  
茶烟逼斗牛松塢影隨干澗月桂花香送滿樓秋良宵靜坐  
閒消受撫卷還教繼蔣侯

登梅巖

邑庠生畢文矩 懋齋

十年蹤蹟溷塵埃今日登巖眼界開泉水聲隨飛鳥去梅花  
香引好風來白雲直接高峯影青竹橫遮老石苔蓮寺鐘爭  
龍隱時發居然鶯嶺任徘徊

九日陪諸友人遊石鏡寺

古鶴園東訪上方羣鷺鐘鼓望微茫山僧洗鉢雲攜袖午客  
穿林足履霜木落遠程飛鳥道虹殘斷岸映禪房到來始悟



無生靜月下黃花滿地香

東林寺和余石園過訪留贈原韻

邑曾喻志恢 曉莖生

不遂科名願蕭然寄一峯師生敦夙好山水契孤踪友惜常時別文論此地重開尊忘日莫淡薄意偏濃

送子春山下山溪滾滾深小橋穿野徑南渡起層陰身世同萍梗交遊自玉金致聲兩珍重老去不勝斟

和友人登文峯塔原韻

把袂依然古渡東茫茫世事總成空先人舊址黃花老今日書聲榭葉紅天地無情藏我拙溪山有意為誰工高登七級文峯影一片秋烟下遠鴻

武甯城

盛儀 定帆

海昏百里舊河山匝匝風雲指顧間一水中流分地脉雙峯

武甯縣志

卷四十

藝文近體

三

三百十三

屹立聳天關溪園依舊人何處烟月長空鶴不還幸得昇平風俗好蕭蕭門館日清閒

武安山荷池

稜稜石壁樹旗牙鼙鼓當年日幾過不信將軍經百戰寨中閒得種蓮花

春日游馬崗寺

雲山春日麗步履且閒行天好花爭放林深鳥亂鳴香厨通碧澗僧飯煮青精松子沿堦落時招野鶴聲

雲巖寺曉鐘

余學川 度雲

寒山凹處着枯禪幾點鐘聲出樹圓不是姑蘇來夜半驚人殘夢曉霜天

遊半源東陳馬二生

訓導方觀

一谷弓圍兩三家乘春不厭路橫斜平田舊水添新水夾岸  
桃花間白花肅客壺留梔子酒登盤圃有此君芽半源想見  
桃源境嗟我年來始泛槎

秋日游柳山讀貞公祠碑

邑庠李藻春池生

霜花秋淨柳公祠片石猶存宋代碑天遣孤峯撐日月人從  
半壁揚蛟螭綠蘿深鎖名賢蹟古蘚斜侵幼婦辭千載高風  
重下拜溯洞臺址寄遐思

嶺山寺贈清靜和尚

邑拔貢傅翌商資軒

徧攜衣鉢度紅塵那得菩提自在因滿地鞋香花帶雨一天  
笠影月隨身殘鐘疎磬閉閉寺流水高山寂寂春聞說當年  
曾結社漁舟可亦問迷津

頭陀寺月下閒遊

邑舉人余鳴皋鶴所

武甯縣志 卷四十

藝文近體

三

四百五十六

皓月禪心寂幽林散步看人遊蒼樹外犬吠白雲端把酒松  
間醉援琴石上彈枯鐘敲不歇想是夜將闌

與盧君紹之夜過龍潭

郡庠夏賢少非生

大江波倒捲有客夜乘風螢火隨船綠漁燈傍岸紅潭深龍  
不怒天淨月當空遠近帆俱泊予懷漱未窮

金城寺即景

鐘聲招我叩禪關大宋樓臺剩幾間野渡迷茫三面水人家  
隔斷四圍山僧忘寺破風兼雨鳥愛林幽去復還參透牟尼  
談孔孟也能不慮石頭頑

水月亭

監生盧志綱

勝跡天然別境開艾南山麓水之隈一亭景色江環抱萬頃  
波光月送來目極龍潭清影處心儀鳳藻軼倫才昔年黃鄭

醜魃在千古風流信擅哉

登靖公崖最高峯

歲貢余 詒翼園

峯頭矗起明嵐飛躡屐凌虛入翠微一道懸流歸絕壑千尋  
疊巘散斜暉雲開北嶺堪摩斗雨歇南山賦采薇他日抱琴  
還過此清音不聞上人扉

訪丁令威故居

邑庠余 璣佑亭

古柏仙居絕世塵當年跨鶴話元真雨昏紫鹿嶺頭客雲暗  
青牛洞口人片石誰尋餘蔓草遺巾何處剩榛荆我來憑眺  
崖巔立那見還山一問津

九日登萬福寺

邑增生 王鳳舉北窗

登高難與故人期獨倚禪闕有所思遣興聊傾新釀酒關情  
強和舊題詩秋風落拓剛前度晚景頽唐况此時且幸餘生  
武甯縣志 卷四十 藝文近體 三五 四百十三

萬福寺

湖南候補縣丞翁 繁潔江

艾城東去路盤陀古寺長松掛薛蘿稻熟平田環白水門開  
遠岫見青螺空堂草色禪心淨老樹蟬聲畫意多好是閒雲  
留小住匆匆無奈夕陽何

嚴陽山行

舉确山行鬢漸華竹甍多被白雲遮深林怪石蹲如虎老樹  
蒼藤曲似蛇俗好棚民編甲戶年豐磽地茁桑麻昇平到處  
熙遊景老稚柴門聽鵲譁

三碕灘

泝盡三碕棹門迴又見山灘聲風雨急石色古今閒勁力爭  
先處高流截此間送篙深過險少憇泊前灣

控灘

三十控灘路春流一枕高山雲青疊岫沙草綠平  
羣怒石森如戟迴灘勁受篙泊舟烟市外隨意買村醪

登太平山

國學生 王利賓 西園

策杖尋仙跡盤紆鳥道通地連吳楚界人溯宋元風古柏巢  
元鶴方塘浴晚虹山樵迎客話指點到神宮  
古洞何年闢清虛萬籟空丹爐留舊迹石室構神工離卻塵  
氛外行來道氣中遺骸今尚在炯炯看雙瞳

仰天堂 即湧泉寺

余士馴 訥齋

一寺依岩窟仰天天幾何山幽人跡少樹雜鳥聲多深罅屯  
雲霧危場長薛蘿定知門外塔依舊鎮羣魔

登太平山

邑廩生 王賚 季雅

武甯縣志 卷四十

藝文近體

三 四百四十九

西風吹面露沾衣鳥道迴環上翠微人跡陡驚巖石立籃輿  
時觸怒雲飛山川不老仙何在天地無窮想入非海外青禽  
何日集蓬壺高處叩元機

廉村懷葉公顧言

葛青園

何須北面擁生徒力學窮經只自娛天為巖廊儲大器人從  
環堵卜名儒高排碧漢祥雲見得衣緋袍王眷殊 公與韓琦同榜琦第  
二公第四臚唱時太史奏五色雲見詔前十名皆得衣緋 惆悵前賢今已往芳蹤誰與並  
馳驅

節婦潭

邑歲貢 王 灃 均堂

行裝誰檢女兒箱絕命詞成早斷腸縱惜才華舒錦繡却因  
薄倖碎圭璋夜臺定不歸環珮墓草終堪耐雪霜早識使君  
先有婦那能白水共流芳

泅洲竹枝詞

邑廩生 王序射圃

勝似漁家水作田  
火風波處度年年  
閒來笑話生涯事  
幾箇灘頭賣菜船

荷畚攜鋤破晚烟  
人家菜摘夕陽天  
阿儂曉起開門早  
趁賣清晨飯熟前

一肩蘿蔔白於霜  
十字街頭客解囊  
莫把小錢難糴米  
阿家要辦過年糧

遊朱家山

歲貢生 葉有聲 駿齋

莽莽層巒倚碧空  
接天雲影望冥濛  
翠微一帶開生面  
武穆當年著戰功  
曲徑崎嶇藤礙屐  
小橋橫亘石張弓  
持笳不盡登臨興  
獨下青蔥嘯晚風

烈婦詞

李家賓 尚軒

武甯縣志

卷四十

藝文近體

三七

三十七 三百八十三

聞說冰操徹骨寒  
從容候義古來難  
從何學就明兼決  
巾幗名中永不刊

琴劍空空壁上懸  
回頭誰與屬家傳  
不堪到眼傷心事  
和淚棺前付火燃

閱徧浮雲世事難  
無兒強似有兒看  
田園盡付家先廟  
爲冀良人耐食安

生壙同塋姓字分  
生時預作死時文  
渾身縞素剛披就  
一夕長殂臥白雲

歲暮詣天竺寺留別老友方春湖孝廉風地學博暨浴

渠上人

庠生 鄧穎

崖枯木落意蕭然  
靜養名山別有天  
經幌客圍寒火坐  
禪床僧抱凍雲眠  
辦香重叙三生話  
杯酒仍添一夕緣  
可奈明朝

揮手急何時風雨倍流連

館南遼山

邑庠陳廷階

為有園林好種芸仙壇乞與道人分夢清竹簟閒中得香溢  
檀鑪靜裏聞對酒邀將初上月看山帶入晚歸雲數椽老屋  
修篁擁俗慮全消仗此君

拜宋著作郎葉黠墓

邑廩生葛方拔卜川

千載迢遙贖墓田斯人猶憶古名賢徧交鳳逸龍蟠士愛讀  
雞碑雀錄篇上策能安淮蜀地徵車枉載省臺箋我來憑肅  
衣冠拜一帶荒涼落照天

柳山懷貞公

國學生葛方泰石生

特地孤峯峙幽居附數楹棄官非好隱避世且懷清卓識戎  
謀破剛風要路輕讀書原適用思與曩賢盟

武甯縣志

卷四十

藝文近體

三八

三十八  
四百十七

仙厓

葛醒懷

黛浮林影翠浮煙細數山名文照邊洞裏音塵真縹緲旁厓  
削立盡呼仙

遊潔溪山

山內有趙尹坑  
相傳趙尹至此

郡庠生杜春華芳洲

高潔頭銜慕一生溪山無主我孤行蒸雲掩映桃花塢帶雨  
蕭疎桂竹坪鶴放青天驚客夢鷗盟白水想官清數叢芳草  
經誰賞父老爭傳趙尹名

河鼓洞

職員葛盛鈞如衡

危崖絕壁勢嶙峋飛瀑迢迢白似銀沙石難填無底壑瀦流  
盈溢過前津

正當山偕諸子散步

邑舉人喻贊猷如齋

禪林枯坐久散步共追隨嶺樹疑簪簇巖雲似絮披鳥驚人

語候犬吠客來時忽聽疎鐘響悠然動遠思

柳渾書臺

國學翁 業

書臺平廣破雲隈秀峙巍峯接斗魁絕巘石床旋日月參天文筆走風雷蕭盧同志新編輯袁李多才舊侶陪吟眺萬山羅足下柳堂青映嶺頭梅

鄭氏草堂

別業新開處土風草堂宏敞碧池東鴛鴦羽翠渾波綠菡萏花光奮日紅跡謝公卿疏客到居隣市井轉塵空仙人鶴化何年返願共乘虛碧落中堂近看鶴亭

永慶寺冬夜與王季雅圍鑪對酌

副貢 夏錫璜牛壁生

夜坐禪房冷圍爐快友生綢繆來雁思珍重寄梅情飲賜傾三斗譚深盡五更霜鐘鳴未已寒月竹陰橫

武甯縣志

卷四十

藝文近體

三元

四百四十七

馬山卽景

邑庠 劉永貞資生

一峯青襯白雲飛勒住瀧流鐵甕圍閒過石亭高處立行空天馬認依稀山形如馬凹處建有石亭

懸厓如掛嶺如撐路破蠶叢冒險行最好道旁泉一綫在山流出十分清路旁有飛瀑

芙蓉帳外澹烟留十八層巒翠黛浮信有觀音能說法引他羅漢盡低頭有山名帳裏觀音又有峯名十八羅漢朝觀音

良工巧琢石痕新天矯游龍妙入神滿壑雲雷未飛去不知誰是點睛人石壁鑿有龍形

孝井

邑人 申華山

如何平地湧甘泉孝子當年軼事傳廿史誰思名蹟錄一杯親愛小爐煎分明咫尺櫺星地快慰平生孺慕天到此願言

嘗一酌輓轡閒咏蓼莪篇

仲春過柳洞寺訪鄧君柳中

例貢趙壽清

為訪高人入洞中白雲深鎖梵王宮鐘敲暮日禪心寂籟捲  
虛堂俗慮空採藥僧纔歸古逕讀書人久坐春風縱談斗酒  
渾忘醉五夜瀾翻氣倍雄

遊魯溪洞

冷春年醒蕉

洞開山曲水中流張炬來探七月秋俯視仙田留缺陷仰搥  
神鼓落聲幽玲瓏怪石危懸疊兀突潛龍倒豎道我欲尋源  
還自却葫蘆峯下暫回頭

觀音岩

太學盛珮水巢

偶挾登高興探岩快此遊一窩藏太古萬壑敞清秋邃窟蛟  
潛伏蒙泉水暗流何當披石室為構讀書樓

武甯縣志

卷四十

藝文近體

早

四百〇八

晚過燕山亭

職員盛學烈益齋

大道長亭客幸攀行蹤剛到便開顏回頭悟入無人境對面  
飛來何處山茅舍幾椽松竹外雲烟數幅石泉閒誰家短笛  
橫吹過驅犢村童暮叩關

溪園

盛型惠人

權奸誤國可無言被放歸來尚有園消受溪山風味好池亭  
花石亦君恩

觀音岩

盛董廉移

搜奇尋舊蹟硤矜細摩娑一縷青煙瘦雙拳古石訛觀空何  
處著定相本無多那得拋塵鞅靈山數許過

汾洲竹枝詞

王之鐸春衢

艾城東下此分流一嶼當心喚汾洲不種稻梁種蔬菜勝他



農父四時收

人烟八九自成村，節婦潭澄水未渾。束得菠苳郎出賣，小籬

芭外飼雞豚。

洲南側有節婦潭，舊傳戴氏婦沉此。

白蘿蔔換米鹽，回青芥乘時也。要栽更擬來春售，嫩韭銀魚

休販入城來。

洲產蘿蔔最美，市中治春酒，競尚嫩韭，珍於瑞紅銀魚。

柳綠桃紅二月天，潑澗泐水照鮮妍。斜撐一道春光破，可是

兒夫賣菜船。

朱家山尋岳武穆斬賊處

繆驥郵

撥雲躡上最高巔，怪石嵯峨古磴懸。忠武當年遺跡杳，不知何處血猶瀟。

題喬松圖壽朱明府松齋先生

太學生 盛紹曾

大夫本是後彫身，華蓋凌雲健有神。古柏同心梅作友，幽篁

武甯縣志

卷四十

藝文近體

四

四百三十五

結伴鶴為賓，蒼顏已老偏餘秀。勁節如公但率真，畫裏歲寒生意滿。小春時日祝恒春。

柳峯

張拱元 楚生

四望雲低不盪胸，忽於此處聳危峰。豈緣依傍凌千仞，自顯孤高俯萬重。卓絕應同詩史筆，清空疑有羽人蹤。遙瞻天半秋痕淨，似把江波滌黛濃。

修水

泉匯黃龍瀉碧巔，長江一道綠如烟。岸傍官柳半臨水，灘外孤帆遙拍天。繞木石間青阜讓，靜風波處白鷗眠。阿誰網得鯿魚好，且向蓬窓割小鮮。

遊魯溪洞

邑庫生 劉崇鋒 鹿陵

破險臨深澗，探幽怯曉風。猿停諸壑靜，鶴立一山雄。景徑迷

樵蹟危橋掛斷虹，渾舍已太古。况復洞天中。

登觀風山

劉崇錦 聽松

昂首凌霄漢，塵寰指顧窮。雪泥名勝似，蔓草廢興中。遠水吞吳鎮，羣山範楚宮。百年都是幻，一覽萬愁空。

初過大塘普安精舍偶成

柯愈嵩 下南中人

結宇平原上，青疇四面交。籬皆憑犬護，花不惹鶯捎。蠟屐剛遲躡，鐘聲忽亂敲。老僧迎客入，晚飯剪溪茭。

過羊腸山

張凌雲 仲之

峭壁嵯峨界楚吳，誰云九折反吾徒。回頭忽覽平原裏，水白烟青一畫圖。

過馬脊山

崎嶇緩步不嫌艱，款款如升劍閣關。自有一般高處味，愈經

武甯縣志

卷四十

藝文近體

四二

四百十五

盤錯愈安閒

留雪草堂故趾

國學張元韻 度開生

季子留芳蹟，於今我暫家。斷碑題甲子，古篆走龍蛇。春雨聞長杵，秋風對落霞。塵封誰拂拭，惆悵後園花。

秋日同韋翰吾潘又甫林成之獅崖分賦

載酒登幽刹，乘風醉薜蘿。竹聲搖古院，日勢動秋河。佛座無僧梵，荒亭有客哦。神龍深不見，厓土一摩挲。

小立危亭上，斜陽映翠微。潮平森石齒，烟老冨禪扉。秋氣但空色，道人無是非。壺中傾欲盡，啣磬數催歸。

暮秋遊九宮山二首

王壩 秋圃

躡屐尋仙蹟，登山謁九宮。白雲剛出岫，青靄正浮空。劍氣羣峯豁，松聲萬壑通。何當歸思迫，倉卒返塵中。

信宿遊蹤迥依依戀翠微風號霜葉落雷吼瀑泉飛眼底諸  
峯伏塵中萬狀違道人渾不俗可與共忘機

龍潭寺晚眺

王昌均 子平

飄然來古寺拄杖步斜曛老樹籠輕靄蒼崖宿暮雲徑花寒  
有艷潭水靜生紋人籟山城滿禪關杳不聞

石口觀音閣

王英龍 韻廊

高閣臨江萬樹濃青山一半白雲封瀟瀟風雨飛來急松作  
濤聲浪亞松

九日遊迴龍寺

余 謙邑人

重九閒來荒刹遊霜林寒竹靜悠悠遙峯挂練倚天立落木  
迎風逐水流短砌莓苔深屐齒虛堂笙磬軼岑樓無端得醉  
醪醺下空盼橙黃一唱酬

武甯縣志

卷四十

藝文近體

四

四百二十三

雨後遊西瓜寺

邑人 舒建鐸 禹門

曲徑盤旋入白雲敲殘鐘韻隔山聞水田厯落添新漲竹樹  
清涼絕俗氛一座荒碑餘鳥篆數椽古刹半苔紋老僧竟日  
容吾醉只解行吟下夕曛

獅崖紀勝

太學 生 徐 珏 碧吾

狻猊雄鎮大江東勝景全收一覽中面峙柳峯千秀削胸羅  
修水萬緣空帆飛古渡寒烟碧鳥度閒林夕照紅山外鐘聲  
雲外樹是空是色總難窮

詩人放眼幾千秋此地吟哦句共道酒酌危亭佳土座藤羅  
怪石古香流樹多蒼色偏含潤籜滿新篁竟寫幽探得維摩  
清淨味櫓聲欸乃月當樓

西渡觀漲

國學 生 邱兆綸 樸茂

楚店臨前浦春濤盪遠空岸吞千頃雪帆送一江風綠野閒  
飛鷺青天欲界虹夕陽山徑晚添箇賣魚翁

伊谷與楚南游士夜話

潘日襄贊思

奇才多不偶况復此淹留日落吳山暮風生漢水秋論文窺  
秘籍把酒話高樓極目衡陽雁輕烟幾點浮

金城山晚眺

國學王定祥晚卿

龍王峯下古金城野色山光暮氣清繞寺樓臺銜夕照出林  
鐘磬報新晴丹躪跡杳僊何在白石雲歸鳥不驚勝地百年  
增感慨漫從幻際覓長生

長壑源竹枝詞

邑僊余紹曾香泉

千家星散住山鄉板屋清陰竹樹涼一幅桃源圖畫裏避秦  
人自道羲皇

武甯縣志

卷四十

藝文近體

四

四百〇七

年年春酒好盤桓炊黍蒸豚治比歡野服不隨時樣改客來  
都是古衣冠

老儒課讀坐深山也有誅茆屋幾間古道夕陽人影散兒童  
三兩抱書還

黃梅時節雨初過四面陰穠碧樹多谷裡人家忙種豆山農  
齊唱楚聲歌

破落山門暮靄平忽聞戶外雨風聲蒨苗好趁來朝插一夜  
并刀剪到明

大湖堰上月昏黃賣酒人家傍綠楊一縷炊烟茅舍起晚風  
吹送玉蘆香

山亭團坐好風清父老傳聞試品評一綫靖公崖下路當年  
曾殺白頭兵

一道寒流雪浪衝兩三間確帶雲吞空山夜靜無人籟響答  
迴龍寺裏鐘

黃葉飛時天氣清家家采蕨趁黎明鴉鋤掘盡厓根土絕壑  
時聞墜石聲

鋤犁蓑笠舊山家不學耕田學種瓜白髮老翁年八十一生  
未到縣官衙

迴龍寺夜坐有感

蕭齋兀坐思縱橫銅鉢敲殘韻偶成月靜禪關僧有夢風寒  
雲表鶴無聲詞壇舊業文章在樽酒餘酣感慨生惟有床頭  
三尺劍夜深常作不平鳴

看鶴橋懷古

跨鶴歸何處斯橋萬古留懷人空渺渺流水自悠悠路繞虹

武甯縣志

卷四十

藝文近體

四

三百九

雙落亭餘月半周仙踪隨處是天地付浮漚

飲馬岡

國學生翁承勳

金人纔捲甲楊虜又興戎馬飲溪前碧刀磨石上紅灘曾過  
鹿角道不畏蠶叢迹邁投錢者荒祠落照中

獅崖觀音閣

邑庠生翁宗樾 陰儂

仙梵花宮據上頭懸崖百尺俯江流風迴塢湧寒相逼浪拍  
亭空爽欲浮掙洗客留青雀舫篝燈人倚白雲樓夜深正好  
安吟榻數點山鐘月一鈎

四望亭懷古

四面溪嵐勝危亭一望中紀遊傳李帥索句仿韓公雉堞依  
山近虹橋隔岸通更名珍勿剪雲樹護青葱

仙人潭

潘際風 曼舟

潭上仙人何處尋  
潭邊石老古苔侵  
仙人煮石飛昇去  
碧水寒流十丈深

馬崗標楚軒

方迪倩 美莊

茅廬才大怯風威  
儘日貪眠晝掩扉  
簷雨滴餘雙屐響  
洞雲破處一僧歸  
偶成好句聲生吻  
閒引新醅醉拂衣  
精舍終朝無箇事  
造然空谷獨忘機

獅崖萬福寺春望

喻仁遠 奧如

如此春光在眼前  
人臨高處倍悠然  
幾村濃淡雲烟樹  
一段青黃菜麥田  
天地文章真錦繡  
山川面目總新鮮  
諸君聽取嚶嚶意  
喬木千章喚侶遷

永興寺題壁

俗傳孝女盧仙姑駐此

潘元漣 荒石

到寺香風起  
蓮華燦滿龕  
成仙皆孝女  
作佛必奇男  
磬韻千

武甯縣志

卷四十一

藝文近體

四

四百二十

峯寂禪心萬木參  
願修清淨業  
頂禮白雪堪

宿五鳳寺昭脫塵上人

國學 明 哲 雲峯

寺破詩僧苦  
衢通俗客多  
上方剛說偈  
林鳥正還窠  
月色寒齋鉢  
松聲冷女蘿  
拈花同一笑  
真諦妙如何

柳山讀書臺懷古

李翰春 墨莊

秀壓西南第一峯  
參天筆勢擬書空  
名山自古歸名士  
唐代高風頌柳公

入林何密大山深  
誰識先生避世心  
一爨南華長在抱  
懶從人海問升沈

記得廬山面目真  
詩吟李杜倍傳神  
柳山當與匡山並  
五老遙呼作比隣

讀書樂處本忘憂  
雨雨風風苦不休  
更有仙翁遺跡在  
殘棋

一局子仍留

三賢道中

國學王觀煜 虛堂

蘇黃自昔肯來遊更得金僊遞唱酬地亦有緣名不朽白雲千載尚悠悠

雲峯寺初夏即景

楊碧峯 海三

麥秋天氣最清和晴日風光野寺多數點殘紅霞欲落一灣濃綠雨初過石泉水暖遊蝦蟇山徑烟深長薜蘿更喜擔秧楊柳陌聲聲人唱太平歌

遊法雲寺感賦

劉才能 西流

三寺遙連此正中翠雲岑下綠溪東人家都在平林外似隔烟蘿無路通

兩柴徜徉溯昔賢篠源沿沂愛參禪 篠源柯氏世居其先人上為鶴柴下為秋芳柴

武甯縣志

卷四十

藝文近體

四

四百三十五

後他人誤書柴為寨遊人縱惜高風杳此處依然別有天

東林寺晚眺同友人分賦

邑廩章文暄 慶生

佛天隨喜罷聯袂出禪扉鳥宿寒林鳩漁歸舊釣磯波光含暮靄山色射餘暉相顧皆相識何當賦採薇

秋日偕友登獅崖晚眺

冷向離 垂業

後貌迴踞錦江頭拾級山亭豁遠眸小艇晚牽洲外樹殘陽斜烟堞中樓西風滿地聲搖籟北雁橫天陣帶秋自是名山多勝境年來攜手賦同遊

遊九宮山 八首錄四

邑議敘張向仁 友山

人間咫尺即天門稽首天門第一尊上界清涼剛向曉巖扉

閃閃射朝暎 一天門

倉黃騎火謁仙師寒夜鐘殘客到時祇為乞憐重下拜真人

那度世人癡祖師殿

承露宮前古木高秋風徹夜響洪濤林陰徧訪仙人跡破霧

全憑酒力豪承露宮

千尋飛瀑挂層巒獨倚危欄着意看玉雪霏霏巖際落夕陽  
橫界水晶寒噴雪崖

書臺山懷古

邑國學生張三傑卓庵

名山景仰重徘徊先代遺蹤尚有臺千古琵琶彈白雪一龕  
巖石長青苔牛眠水繞漁燈聚鹿去場荒鳥跡回學士風流  
餘手澤琴書半榻後誰來

澥溪晚眺

陳惠元子阿

尋芳緩步度前川一帶垂楊繞暮烟迎我春風花欲笑照人  
溪水月初妍樵擔濕葦連香草牧送長歌和杜鵑最愛蜜峯

武甯縣志

卷四十

藝文近體

四

四百二十三

溪近蜜峯濃晚翠蒼茫山色接遙天

九日登金華山絕頂

曾貫瑚湛如

經年風雨寄山陬九日才登最上頭疊嶂雲開千里雁層空  
晴放一天秋幾人落帽能追孟七字題餠頗勝劉祇此登臨  
須着意莫從險說優游

仙源寺坐有感

鄧成策瓊采

亦知興廢本循環如此招提在錫閉赤眼幾年辭梵地蒼松  
一片老金山仙源一名金山蒲團地潤苔敷靨蘭若烟銷佛瘦顏爲  
想坡翁留帶重他時應不負禪關

栗榔義渡

職員翁成恒胸臚

奔流橫要路剗木選良材客正登涯使人隨喚渡來三篙波  
浪激一棹水雲開應有蘇黃侶叢陰歇馬纔



豫甯竹枝詞

余森玉 性文

巖疆蕞爾俗偏瀆本籍他鄉互接隣水火叩門無爾我年年  
忻度太平春

如雷竹爆響聲轟雙滾紅龍上下騰此夜城鄉同樂事大家  
都戲太平燈

當空月朗正中秋餅餌團團樂未休供賞案頭無異品西瓜  
燈照錄杯浮

白雲深處路迢迢伐取新枝一擔挑底事行歌微帶醉山棚  
飲我玉蘆燒

遊懸寶寺

張鳴世 時年十歲

隨阿哥入梵王宮開士還迎五尺童問爾石壇旛影畔如何  
響滿鳳鞋弓

武甯縣志

卷四十

藝文近體

四

四百八十九

言爲西龕聖姥慈佑人少婦產佳兒不知劉晏任延輩曾否  
紅羅繡幾時

石鏡山

邑庠 余 琬 盤村

熒然片石幾經時堅不磷兮潔不淄懶向朱門爭照耀卻於  
幽谷辨妍媸晨昏保護藏雲匣今古磨礱借雨絲當路莫嫌  
嚴鑿察光明原是性如斯

登擊賊崖感賦

先高祖文崙公集鄉勇擊賊於此因以得名

太平今已久擊賊尚留臺往事隨流遠閒花依舊開徘徊思  
繼述 邑侯鮑重高祖功額以才報答愧涓埃看劍嗟頭白撐  
可干城獎之事見定變錄  
持望後來

遊普陀庵

邑州同 余克家 梅村

扶筇來訪梵王宮行近江頭石徑窮只訝竹深無路入誰知

崖斷有橋通到門恍佛聞疏磬  
能惠我喚船沽酒月明中

### 遊二難湖

可惜二難遠荒湖訪舊名弟兄  
成小隱水月比雙清詩酒前  
朝夢滄桑此日情寒流鳴斷  
發嗚咽作愁聲

### 新峯寺春日閒步

邑庠 葉顯翰 蔚林生

勝日尋芳緩步遊綠楊溪畔  
石橋頭不知何處春風到  
吹落桃花逐水流

重尋舊壘燕兒歸帶得香泥  
傍水飛絮語呼人人不解  
送將春意入簾幃

樹影沉沉翠欲連洞門一徑  
鎖新烟清風起處和如許  
閒看兒童放紙鳶

### 武甯縣志

### 卷四十

藝文近體

### 辛

三百八十六

石崖陡險路橫斜小屋編茅  
三兩家山密誰傳春色到  
野園開遍白梨花

### 莫春陪余燕菴師遊叢雲洞

邑人 盧一岑 敏齋

登臨底事惜芳菲緩步相從  
入翠微自愧遊無遲善問  
却憐詠有點忘機和風被草  
朝迎爽暖日卸山晚弄暉  
對此情懷偏惓惓尋春不肯  
放春歸

### 春日赴古艾

興國州 華蔚巖 椒堂庠生

盃濃春酒餞荆扉老去猶然  
野鶴飛賣暖吳簫迎客到  
送人楚岫擁雲歸投桃最是  
新交好挾瑟何堪始願違  
兩鬢原從孤館白還鄉應  
又雪花肥

### 豐樂寺卽事

古寺春寒雪霽初更深咽冷  
聽啼鳥他鄉望月高山亂  
往事

攢心客夜孤茶鼎煨殘青楸燈花噴落淡芭菰東風寄語  
憐予者罵坐猶然老灌夫

武安山

王鈞顯干

峻嶺蕭蕭度遠風登高懷古意無窮勤王氣慨當時盛舉義  
旌旗此地雄潭上夜燐猶照恨壘間春草尙留蹤承平別有  
山居樂樵牧歌聲夕照中

大崙山

王鈞鍊余

四面春光分外佳名山高踞梵王家叢林翠滴初揮塵古院  
煙縈正煮茶歷落鐘魚和好鳥萬千紅紫對時花重來勝地  
翻惆悵牢絡風塵負物華

修江晚眺

葛盛達日高

一棹中流汨蒼茫夜氣侵淡烟生水面殘照閃波心浴鷺閒  
武甯縣志

卷四十

藝文近體

五一五十七  
四百〇七

遊頭陀寺

郡庠盧雲驤湘江

徑踏明嵐裏龕藏罨畫閒疎鐘山應響古砌薜留斑日度禪  
闕寂雲歸鶴夢閒此中堪入定滿目俗緣刪

遊大源洞

邑舉人楊本沃春江

九十九盤山突兀長途多半水中行山綿似繭將人裹水激  
如雷觸馬驚絕壑風來松作勢層空霧散鳥爭鳴征夫健處  
憑腰腳從此崎嶇識世情

水月亭

貢生張四維鍊人

龍潭石上夜冥冥水月虛明襲一亭詩酒沈酣人倚檻風波  
浩渺客揚舫岷間影射江光白浦外煙籠草色青一道清寒  
生遠思悠悠塞鴈隔楊汀

靖公菴

邑增生 盧 燾崇甫

路轉如弓曲重巒積翠分林光疑帶雨花氣欲成雲  
霄度寒流滿壑聞當年誰對亦石几半苔紋

登四方山

貢生 車運亨奇峯

南北分吳楚登臨入翠微風高當四面山峻出重圍  
宿草烟留濕銜花鳥忘機觀空無我相攜得白雲歸

遊金城山道院

邑庠生 王維齡冠西

萬疊雲山一徑通龍王峯下有仙宮庭前古柏澗天綠壇上

遺杯事見雜記曾伯祖叔怡小傳 落照紅白羽翩翩鳴野鶴丹爐隱約吐

殘虹年來自笑羈名利心目纔清法界中

朱家山懷岳忠武王

邑增生 葛利民春臺

中原金虜寇氛張此輩乘機草竊忙真見將軍神算畧翻憐

武甯縣志

卷四十

藝文近體

五二

四百五十六

小醜枉猖狂千峯壁立排軍陣萬壑雲屯莽戰場八百年來  
陳迹杳烟巖殺氣尙飛揚

過天尊山

陳麟仁歸和

一鎖撐天起羣山謙此尊勢凌黃道日氣接紫微垣吳楚中  
峯界煙雲眾壑吞橫空梯棧絕扳葛下前村

橫塘寺

葛利和簡能

蒼蒼曲徑翠微橫古刹重尋躡展行濤捲松林塵服拂泉流  
石罅道心清蕉天蔭鎖曇雲影蓮座風傳梵唄聲只是拈花  
憑一笑好將金粟認前生

新增

四望山懷古

增貢 劉翔龍

李韓去後長莓苔江上青峰幾劫灰潭影剩存修月窟柳山  
空對讀書臺秋風瑟瑟孤城閉荒塚纍纍野草堆往事危亭  
今寂寞樵夫休笑我重來

甲子冬至感懷集句

邑進士陳世馨

人生七十古來稀安得深杯日日揮杜詩喜官閒能不廢身

緣謀拙事多違楊熙一川白鳥自來去千里青山無是非林

熙鄉夢宦情都不管祇今惟愛壽星暉樂天

寄梵山房春日感遇

邑廩生劉夢說

一鉢空山裏蕭條春日晴歲華欺短髮風雨送寒更多病疎  
生計無聊恥聖明蠶叢天下險何處問君平

其二

八十高堂壽憂秋與病俱那堪兒女大翻遣夢魂孤娛我雙

武甯縣志

卷四十

藝文近體

五三

四百十八

蝸角謀生一免株驚心牆外柳夜夜宿慈烏

其三

征衣縫線在春草寸心窮死別已長夜生涯况轉蓬三年懷  
麥飯一倍感東風苦想嗟予季重泉若爲通

其四

宿昔東湖夢桃花隱舊蹊故人皆磊落一客獨羈棲風雨艱  
難會關河去住迷數松時徙倚寂寞鷓鴣啼

次韻家竹鄰重遊金華寺

邑舉人陳世璜

飛來天外一仙山翠藹重重鎖石關野客欲樵穿樹出幽僧  
採藥帶雲還籬披佳果猿時嘯葉落空林鳥自閒欲識箇中  
真色相孤峰頂上月灣灣

雙溪鑄心軒咏新篁示同學諸子

經培雨露到春深長得新梢乍出林莫逐狂風顛倒甚從來  
高節本虛心

感遇

歲貢生 邱攀桂 丹亭

悲笳吹遍艾城東一戰歸來嘆技窮兩眼迷離烽火起空將  
老淚泣秋風

伊山道中

增貢生 劉翔龍

記取伊山景重來石洞游徑穿千樹入水歷萬灣流犬吠人  
家隱樵歌鳥道幽萬峰飛落葉惆悵馬蹏秋  
行到最深處扳藤路轉餘茅簷垂橡栗石縫長桑麻崖斷雲  
為合山高日早斜晚煙隨澗出古屋兩三家

弔烈士鄧紱秋

紱秋年豐鄉下坊人咸豐六年三月殉  
何賊難事詳吳道民先生作紱秋哀辭

李復 金甫

武甯縣志

卷四十

藝文近體

五四

四百四八

居民林鳥晝無聲又遣窮兒躡武城一介書生完節概諸公  
要畫仗逢迎巖泉風雨何人問鐵石肝腸此性成聞道粵西  
氛起日仰空時有淚縱橫

三縛江干志轉堅還陳逆順虎狼前稍柔喙舌生無恙折斷  
頭顱死不遷執爨尚須人侍奉操觚肯為賊周旋傷心碧血  
孤飛處春莫年年叫杜鵑

武甯紀事

彈丸逆藪接毗鄰日夕烽煙報虜頻首領半為途上丐蕭牆  
偏是眼中人春風紫燕巢林木夜雨青燐出水濱胎禍從來  
尤莫問開懷千斛總傷神

大軍一去失邊營有註虜騎長驅抵武城慘澹陣雲迷咫尺  
模糊義血染弓旌全軍已向南河渡一木難持大厦傾寂寞

微情徒感激誰將銀漢洗刀兵

鼓角無聲日色高翻驚殘孽跳城濠  
烝黎滿目餘瘡痍市井傷心又繹騷  
忽報王師猶轉戰旋看醜類已潛逃  
有註殷憂腹疾何時艾小勝庸堪遽釋纜

念亂

邑舉人劉午

倚樹悄然立黃鸞恰恰啼柳綿  
三徑薄春草一山低念亂廬  
江北懷人浙水西有註櫂檣何日掃共目劍頻提

登柳山讀書臺

韋心湛

不蹈終南徑來居疊巘中  
至今修水上猶有逸民風  
書自當年讀臺餘亂草叢  
石碑誰弔古歲月老魚蟲

柳山寺

芙蓉天外簇江上一孤峰  
樹老常巢鶴僧閒自打鐘  
石門長不鎖雲蔓未全封  
看取青山在教人憶赤松

武甯縣志

卷四十

藝文近體

五五

四百三二

水月故址

石潭猶是漾清機月照波心定  
有輝草綠亭荒騷士散夕陽  
無限鷺鷥飛

巾市

水流無重回山色幾蒼翠  
不見挂巾人空來挂巾處

城南晚眺

貢生劉金諧

暮色滿城環臨風一望間斷煙橫  
古岫殘照入深山南潞人  
爭渡東皋鳥倦還扁舟停不住  
飛下柳橋灣

孟月廣福寺即景

歲貢余毅彰

徙倚山門口山中景亦殊  
古籐盤佛髻老樹走鼪鼯  
避虎牛常駭馴人鳥不虞  
余懷難遣處最是聽啼鳥  
時丁母制

遊楊峯

郡庠生 葛利元 吉生

垂楊綠蔭鎖峰巔縹緲身疑人洞天泉影亂飛千文雪鐘聲  
搖破豐林烟樹橫巖腹疏還密雲壓山腰斷復連屏列四圍  
都作畫翠微小坐絕塵緣

九峯寺冬日新晴

胡月古香

連番厭聽雨淋鈴快靚黃絲襖着新洞口收歸雲脚黑峰尖  
露出佛頭青人家釀熟爭延酌林鳥歌嬌似弄春輪與山僧  
無個事低眉兀背曝閒身

讀盛張氏傳書後

邑監生 指分 廣東 巡檢 張達鴻

盛張兩族世姻多曩哲紛紛託薦蘿為語尚書題墓表人間  
節孝固難磨

上頭夫偁瘦難支病裏呻吟弱可知却扇催粧都不事與君

武甯縣志

卷四十

藝文近體

五六

三百九二

面賦柏舟詩

古立宗家廟見宜吉冠吉服禮經垂齋衰麻經扶靈入血恫

真虔盼蠻知

掃榻焚香啜粥甌除喪九日竟彌留太姑尚在桃兒幼他日

楹書讀得不

平生矢志事捐軀三載悠悠誓不渝慷慨從容兩無媿合將

貞烈示鄉愚

祖姑閨訓幼親聞况有傳家兩廣文今日鳳雛方蔚起可能

地下對夫君

遊大巖寺

張恭仁

為訪名區結勝儔大巖有寺最清幽懸崖水濺晴疑雨古洞  
風生暑亦秋四面嵐光圍佛靜一灣溪韻帶鐘流道人不見



知何處徙倚松門起暮愁

湓洲秋景

邑庠生邢恕

秋日風烟盡清波漾一灣蕭蕭蘆荻外沙鳥一何閒  
幾柄飄香遠雙鱗戲浪悠恰當秋水濶好泛木蘭舟

遊仙人岨

李鴻策

仙人何所之遺跡懸岨上懸岨不可攀搔首徒悵望

遊蘇峰山圓通寺

邑庠生邢春

翠峰高聳出層空四面青疇在下風到此塵心都不染渾忘  
身在白雲中其二高結茅庵戶不扃松林深處晝冥與老僧  
兀坐渾無事悄爇爐香誦佛經

登雲臺懷古

邑庠生邢士玉

古跡踞層峰雲臺積翠濃泉聲撞曲澗山色藹蒼松峻嶺懸

武甯縣志

卷四十

藝文近體

五七

四百卅五

千仞危岨俯萬重登臨來幾輩應是緬高踪

遊魯溪洞

劉午少陵

披透萬重雲泉聲隱隱聞樓臺何處所麋鹿白為羣歷劫空

題壁磨岩再考文有註此中人可喚我已厭塵氛

盈盈隔一水或有武陵船中外有棋盤石田世外猶爭局仙人亦力田

不防津再問未必飯無緣回首牛羊路斜陽入暮烟

艾城紀事

邑舉人汪瀚晴溪

隔歲黃楊厄運逢天狼星落大江東潢池盜弄妖氛黑陸地  
冤沈戰血紅買鐵九州難鑄錯談兵三畧幾能通書生看劍  
思投筆在用奇文送五窮

一彈九地寇如麻迫脅吳民效楚此望屋糧空鴟毀室太林  
人怯鬼含沙六軍盡說千人廢三至空聞一矢加幸有吳璘

來九月凱歌傳唱到田家

守望屯營已一年陸梁又復死灰然洗戈難仗兼旬雨後饜  
空停萬竈煙賊勢蒼黃來戍地陣雲昏黑慘遙天可憐壯士  
沙場死添入吾家治譜傳

邊屯戍卒雜農民廬井團操自昔聞林莽叢中狐兔活鼓鼙  
聲裡鸚鵡紛揮戈共雪萑苻恨殺賊歡傳露布文為禱蒼天  
憐赤子田疇雨過待耕耘

題陳方氏紀烈

原貢生候  
委教職柯 蘇

守者若相環教人一死艱要留思婦淚長灑望夫山倏爾餐  
梁肉公然整髻鬟舉家皆快慰入夜掩重關

潛認故雄蹤遲遲五日從舍生洵慷慨就義亦從容一豆蜃  
膏燼三更鶴夢濃祇應孤月照尺組玉光溶

武甯縣志

卷四十

藝文近體

五八

五百〇五

春日新峯寺即景書懷

邑舉人  
余承翼輔臣

靜坐禪林久天清萬籟空閒情餘古佛野性適詩翁舊稿搜  
囊底新花滿洞中山居忘歲月彷彿似壺公

繞繚山深處清虛一洞天硯田田名開井井祇樹碧年年野

鶴分閒夢孤雲結舊緣匡廬真咫尺瀑布掛山巔旁有瀑布

小步添詩興詩懷對景清竹流幽徑韻鐘擱夕陽聲梵語僧  
房靜慈燈佛座明幾般閒逸趣吟向晚峰晴

俗塵時一破終日伴閒禪植桂分仙露烹茶汲野泉池空流

活水寺前有塔古鎖寒煙自牛側有塔覽遍名山勝逸情付七絃

從陳夫子學獨坐情無賴談心一上樓理思尋孔孟文欲學蘇歐

明月邀新侶春風話故儔窻前生意滿草色入簾幽  
幾回詩夢醒梅影伴清疏適意一枝笛寬懷數卷書山晴聽

喚鳥溪淨數遊魚閒見飛花片前簷網螭蛛

馮岡寺夜坐有感

石寶蘅 湘仙

勞人那得萬緣空身世無端感慨同蓮葉夜侵龍女露桂枝  
秋老馬岡風白鷗易化盃猶在蒼虎難降錫已窮最是更闌  
鐘鼓寂百年心悴一燈紅

宿九宮山

道人隨月立蒼苔引我郎當歛戶來已晴琴書知過客偏烘  
爐火煖香醅燭明松雪驚山鳥爆撼蓮塘誤晚雷莫怪勞人  
遲拜謁廿年心已到蓬萊

丙辰亂後重九登艾城感懷集句 湖南府陳應才後生經歷

海天愁思正茫茫白月橫空冷戰場萬里江湖仍旅食百年  
風日幾重陽卧龍躍馬終黃土廢井頽垣自雪霜始信浮生

武甯縣志

卷四十

藝文近體

五九

四百卅四

無住著天涯一望斷人腸

竹心寺中秋懷人集句

天寒海水慣相知故國平居有所思弔影分爲千里鴈論交  
却憶十年時三秋細雨愁楓葉一丘寒光動水池今夜月明  
人盡望不妨還作輞川詩

龍潭寺懷古

楊淑晶

閒遊古寺立江邊俯瞰危崖倍悵然清影惟留光不滅深潭  
空見鏡爭妍漁舟獨宿移煙渚野鷺高飛愛暮天石壁嶙峋  
摹篆刻教人那不憶當年

四望亭懷古

職增生艾 垣 維門

孤亭獨峙最高峰緩步層巒策短筇依舊江山留勝蹟祇餘  
煙樹緬芳蹤上頭有客題奇句隔岸何人撞晚鐘回首幾番

增感慨遙天日暮白雲封

寮山組遊

時隨嚴父避亂山口

副貢方銘教

追隨杖履度層巒絕巘憑凌眼界寬  
逕水蛇行鈎帶抱叢岷鱗鱗劍鋒寒  
鄉關屢隔來僧寺寇盜頻傳憶長官  
料得神人應識我報韓留取寸心丹

仙山雜咏

郡庠生潘立蓉

一片荒原賦稅輕全憑火轉辟榛荆  
春來山鳥催人起栽插工忙趁早晴

豆棚瓜架接泥墻杭稻無多半雜糧  
收檢茶桐收宿火簿綿衣好不知霜

將適紫鹿道

上望豐樂僧舍

柯燿

原隰平疇盡巖然好結茅兩溪明鏡夾  
孤與綠雲巢梵唄來

武甯縣志

卷四十

藝文述體

文五九

五十九

蘿際茶烟露竹梢試詢雷雨下誰復掣  
神蛟乾隆開寺僧寶炬能掣蛟與雨

中丞白公賜額曰飛甘有源

周氏盡節

名孟娥余友西峰女也

六月冷如秋貞魂去不留曾無他累在  
無翁始子文直使萬緣休

解練徒姑息小姑及剛室人招醫太謬悠試瞻  
雙檣舉爾欲更何求

其二

給侍多年疾安排共墓封知其夫劉後配病不起潛置同穴墓石殉夫良決絕

就義本從容大海冰千里南山雪萬重  
空明天地內宛見此

心胸

涉園

邑庠車秉滔

園蔬饒淡味人自道中來聳情堯葱  
治矇憑舜韭開禹餘糧救餒諸葛菜  
消灾藉以延清福心花日日催

涉園登前韻

人能安澹泊蔬圃日常來味可神明茂顏為菽水開羹香懷  
帝德菜色慮民災甘苦親嘗處心清淑氣催

遊白雲菴內世七姓仙姑

郡岸生潘立蓉

峰頂白雲飛鐘聲叩翠微遙山雙竇響仙女五銖衣天上無  
城府人間有是非何如諸姊妹七姓共相依

東溪竹枝詞

歲貢甘應鳴

餉婦提筐隴上臨泥鞋不惜路旁侵勸郎莫作遊商計十畝  
耕耘盡是金

不養春蠶不種桑苧絲緝就喜盈筐客來交易新絲好留得  
三冬禦雪霜

金風嫋嫋捲清飈百頃青藍一望遙塘漬說紅售遠客棹迷

武寧縣志

卷四十

藝文近體

六十

又唱滿肩挑

遊螺巖洞口

張尚銘雲孫

洞天深窅處洞口景全收削峭羅紋石低迷古畫樓泉聲千  
滴落雲氣一窩秋卽此添遊興何須更鑿幽有註

鵬底九峰寺獨坐

半籠晴雨幾由旬短燭重燒照舊身獨坐聽風兼聽月此間  
無我更無人曇花偶露空中色意氣常留物外春簷畔寒梅  
消息早山僮報一枝新

清明遊柳山諸勝

太僕寺卿張鳳翥練渠  
邑拔貢

柳岱凌空半插天我來初到此高巔直臨艾國無雙地便算  
蓬萊第一仙山色濃添千嶂霧木光遙抹半河烟羨他蛟蝶  
清狂甚幾度吟風興欲顛

其二

較商山水莫怱怱畫景曾無一副同五夜琴書高士榻教聲  
鐘鼓梵王宮也知寄傲心胸濶畢竟登臨眼界空徙倚危巔  
雲亦靜芙蓉萬朶夕陽中

附列女詩

絕命詞

戴氏婦

惜多才憐薄命無計可留汝採碎花殘忍寫斷腸句道傍楊柳依依千絲萬縷抵不住一分愁緒捉月盟言不是夢中語後回君若重來不相忘處把杯酒澆奴墳上土

按戴復古號石屏未遇時流寓武甯有富家翁愛其才以女妻之留三年一日思歸婦問其故告以曾娶妻婦白之父父怒婦宛曲解釋出奩具贈之仍餞以詞云云事見宋詩鈔但載富翁為江西人未指為武甯人有辨詳古蹟

述志詩

盛善才盛博次女

哀哉妾薄命未歸夫已殂俊魄竟長逝千載永痛呼五倫始夫婦節義信難誣固未通箕箒采幣有成謨仰觀天上月清光映玉壺在山有義雉失類則悲鳴妾雖巾幗質頗明昔人書歷歷古賢烈名字耀金璫苟能行其志今昔豈不如此心常炯炯持以報吾夫

武甯縣志

卷四十一

附列女詩

六十一 五十三 四百五十八

按善才盛文郁孫女許配仁和潘有成未字成天死才奔喪會水淹舍漂成屍才痛哭欲絕遂自矢貞守晚以姪孫珏妻李氏新寡召之賦詩李氏有誓章與為綢繆勉以苦節詳具列女傳

哭夫

自聞失所天腸中鹿盧旋此生已望絕相見或黃泉泉路窄難測猶及撫哀筵謂當薦血淚以慰鬱離魂豈意霪雨惡水勢忽兇奔魚族宿樹末日月遂冥昏零魄竟不歸沈怨在千年河伯何太虐天地亦嗚咽金石雖銷毀此恨終古然悲風

來四野惻惻不忍言

答李氏

人倫久荒沈風雲遞變滅今日城南妻明朝城北妾畧不念  
舊恩曲取新人悅及其意思盡回首成秦越賤骨委黃土千  
秋莫能雪此理竟誰明與于存其說

哀詩

李氏盛班妻

結髮爲夫婦三載到于茲君既歸重泉豈復有還時空房琴  
劍冷廐馬悲哀嘶羅幃春生寒膏沐奚忍施幽明永隔絕千  
年無見期在君之精魄當化壁與奎燦爛青天上照耀修水  
湄妾抱萬古恨沒命有餘悲願言存大節不受古人非

誓章

清清江中水皎皎天上月水色與天光終古無緇涅唯姑有

武甯縣志

卷四十

附列女詩

六三

素心與之方皎潔厓懸葉婦頭磚清譚氏血邈矣二賢媛萬  
季稱奇節唯姑無岐志與之厲貞烈妾亦未亡人况復承巾  
櫛生雖不盡勸死則義同穴守節分所宜立身貴察察亦以  
正性命安問茹冰雪



附仙釋詩

華表歌

丁令威

有鳥有鳥丁令威去家千年今始歸城郭如故人民非何不  
學仙塚纍纍

按飛天仙人經丁七歲入山求道千年化鶴歸鄉下華表  
歌曰我是昔日丁令威學道千年今始歸云云與此開端  
稍異因互訂云

和靈源寄瑩中

釋德洪

此來漸覺身無累欲學瀟溪諱名氏鍾山萬頃獨經行山日  
松風吹凍耳聞有僧從法窟來當鋒戲作橫機試探懷示我  
妙伽陀兩翁回護偏中至乃知道德無負賤邂逅相求亦相  
契妙談何日看揮斤此老鼻端有餘地

武甯縣志

卷四十

附仙釋詩

六

三百十四

和清上人

駒兒墮地已汗血毛骨蕭森落眼中今見馬羣方弄影會看  
雷電疾追風龍媒何止十倍價凡馬終當一洗空我是道林  
能賞駿識君語妙到無同

在百丈寄靈源禪師二首

暗中樹影平生意水底魚蹤病後機想見道容無任著倚藤  
閒看暮雲歸

平昔追隨骨海心暮年粥飯苴叢林揭來萬事撩人笑此去  
青山爲我深

獅嵯晚眺

雲峯青湘子 凡仙

修水多奇石惟有獅嵯好閣開千里目登臨羨絕倒  
夜靜寒潭碧雲山面面新來遊艾子國却少問津人

清明郊遊

元教李蓮雲

白紙山山在江流有盡哉但聞新鬼哭那見古魂來

柳山

僧雲葵

欲辨真空獨出羣登臨如此勝云云烟光落地連千頃山色  
留人到十分藤杖橫挑孤嶺月詩瓢歸貯萬峰雲心腸已放  
虛無外剝蘚重看石上文

龍潭寺

僧雨松

咫尺龍潭入景幽桑門真個畫圖收風來石徑塵皆掃月破  
疎林翠欲流佛壁重新宏淨土禪心初定泊虛舟閒詩說罷  
無生理幾杵鐘聲物外秋

春日歸石鏡祖寺讀李白邨先生舊作有感

僧玩嶠半空

武甯縣志

卷四十

附仙釋詩

六五

三百八十三

騷人曾此憇禪堂好句留傳古篆蒼一鏡尙窺龐吠影萬花  
猶帶馬蹄香路旁有馬跡石古跡入雲高唱先生調倚樹豪吟我輩狂  
世外知音誰是主空山明月水流長

遊迴龍寺

迴龍有寺嵌江流一派清光到眼幽塔影層層雲際湧烟村  
落落水中浮波濤不斷古今意菊蕊偏開天地秋任彼霜林  
楓葉墜蒼松獨許作同儔

遊九宮山

懶拙和尚

行行行到老山腰暫憇茅庵萬慮消瓦饋煎茶燒樹葉石泉  
流水洗椰瓢重重疊疊雲千片曲曲灣灣路一條此去上方  
應不遠擔頭風月自家挑